

續後漢書
九十卷

道光辛丑小春月

開雕慈谿盛悅書

御題郝經續後漢書

身充信使被拘留兩國恰逢姦計投

元世祖既立欲與宋修好王文統素忌郝

經有重名請遣經乃以經充國信使至宋告即位且徵前日請和之議文統復陰屬李壇潛師侵宋欲假手害經經至宿州遣副使請入國日期不報遺書三省樞密使及兩淮制置使亦不報先是賈似道為元兵圍于鄂州懼而請和且請稱臣納幣元人許之鄂圍始解似道匿其事以大捷聞及還朝使其客廖瑩中等譏福華編頌鄂功通國皆不知所謂和也恐經至泄其謀因拘經于真州之忠勇軍營經上表請入見又數上書極陳和戰利害皆不報遂留真州十六年願附魯連未遂志空言思託著書酬

陳壽寧稱史筆人續之尊漢見誠醇

陳壽三國志帝魏寇蜀論者非之然司馬

光作通鑑尚不能訂其誤至朱子作綱目始為改定經所著續後漢書獨以蜀漢紹炎劉正統其識甚正彼蓋未嘗見朱子獨嫌董卓仍列傳即未叛臣亦亂臣經此書于各為分類而董卓則仍置尋常列傳中夫東漢之禍實由董卓其篡逆之謀久萌特未及逞耳縱不列為篡臣獨不當

道光辛丑小春月

開雕慈谿盛悅書

御題郝經續後漢書

身充信使被拘留兩國恰逢姦計投

元世祖既立欲與宋修好王文統素忌郝

經有重名請遣經乃以經充國信使至宋告即位且徵前日請和之議文統復陰屬李壇潛師侵宋欲假手害經經至宿州遣副使請入國日期不報遣書三省樞密使及兩淮制置使亦不報先是賈似道為元兵圍于鄂州懼而請和且請稱臣納幣元人許之鄂圍始解似道匿其事以大捷聞及還朝使其客廖瑩中等譏福華編頌鄂功通國皆不知所謂和也恐經至泄其謀因拘經于真州之忠勇軍營經上表請入見又數上書極陳和戰利害皆不報遂雷真州十六年願附魯連未遂志空言思託著書酬

陳壽寧稱史筆人續之尊漢見誠醇

陳壽三國志帝魏寇蜀論者非之然司馬

光作通鑑尚不能訂其誤至朱子作綱目始為改定經所著續後漢書獨以蜀漢紹炎劉正統其識甚正彼蓋未嘗見朱子獨嫌董卓仍列傳即未叛臣亦亂臣
臣經此書于叛為分類而董卓則仍置尋常列傳中夫東漢之禍實由董卓其篡逆之謀久萌特未及逞耳縱不列為篡臣獨不當卓其篡逆之謀久萌特未及逞耳縱不列為篡臣獨不當

另列爲亂臣乎

衰貶從來不可誣要公千載賞和誅篡臣仲達祇篡魏篡

漢寧非孟德乎經列司馬懿爲篡臣而轉不及曹操夫懿乃魏之篡臣若曹操實篡漢之賊貶懿而

舍操春秋之義有未當矣

福華編撰鄂功陳羈絆眞州十六春未免南方君子笑笑

他不叛北方人

帛詩或者假前題元史經本傳載汴中民射雁金明池得繫帛書詩云霜落風高恣所如歸期回

首是春初上林天子援弓繳穹海纍臣有帛書中統十五年九月一日放雁獲者勿殺國信大使郝經書于眞州忠

勇軍營新館蓋經以久留音問不通不知中統之爲至元也云云此蓋好事者因蘇武事假爲之然經久羈宋地杖

節不屈僅以著書自遣視蘇武之在匈奴娶學術忠誠孰婦生子不可同日語奚藉雁書方表其忠乎

可齊設使子卿逢地下著書差勝娶胡妻

原序

漢建安末曹氏廢漢自立稱魏孫氏據江左僭號稱吳昭

烈以宗子繼漢卽位于蜀討賊恢復卒莫能相一而折入

于晉晉平陽侯相陳壽故漢吏也漢亾仕晉作三國志以

曹氏繼漢而不與昭烈稱之曰蜀鄙爲偏霸僭僞于是統

體不正大義不明紊其綱維故稱號論議皆失其正哀帝

時滎陽太守習鑿齒著漢晉春秋謂三國蜀以宗室爲正

魏雖受漢禪晉尙爲篡逆蜀平而漢始亾上疏請越魏繼

漢以正統體不用原注晉書習鑿齒臨終上疏曰臣每謂

而身微官卑無由上達懷抱愚情三十餘年今沈淪重疾性命難保遂常懷此當與之朽爛區區之情竊所悼惜謹

力疾著論一篇寫上如左願陛下考尋古義求經常之表超然遠覽不以臣微賤廢其所言論曰或問魏武帝功蓋

讀後漢書原序

宜稼堂叢書

中夏文帝受禪于漢而吾子謂漢終有晉豈實理乎且魏
之見廢晉道亦病晉之臣子寧可以同此言哉答曰此乃
所以尊晉也但絕節赴曲非常耳所悲見殊心異雖奇莫
察請為子言焉昔漢氏失御九州殘隔三國乘間鼎峙數
世干戈日尋流血百載雖各御九州偏平而其國乘間鼎
勢逼當年力制魏氏屢屈從時遂羈戎役晦明掩耀龍潛
下位俛眉重足鞠躬屏息道有不容之難躬蹈履霜之險
可謂危矣魏武既入難獲免始南擒孟達東蕩海隅西
抑勁蜀旋撫諸夏摧吳人入侵之鋒掃曹爽見忌之黨植
靈根以跨中岳樹羣才以翼子弟命世之志既恢非常之
業亦固景文繼之靈武冠世克伐三違以定厥庸席卷梁
益奄征西極功格吳皇天動侔宇宙又清四海同軌二漢
至于武皇遂并強吳混一宇宙又清四海同軌二漢除三
國之大害靜漢末之交爭開九域之蒙晦定干載之盛功
者皆司馬氏也而推魏繼漢以晉承魏比義唐虞自託純
臣豈不惜哉今若以魏有代皇之德則其當年不足有靜
之則魏未嘗為天下之主王道不可謂制當年不足有靜
魏則魏未嘗為天下之主王道不可謂制當年不足有靜
日之合猶不見序于帝王淪沒于戰國何況暫制數州之
總六行境內而已便可推為一代者乎若以晉嘗事魏懼
人威德拘惜禪名謂不可割則感之甚者也何者隗囂據
傷皇德

續後漢書原月

一

卷之七

隴公孫帝蜀蜀隴之人雖服其役取之大義于彼何有且
吳楚僭號周室未亾子文延陵不見貶絕宣皇帝官魏通
于性命舉非擇木何虧德美禪代之義不同堯舜校實定
名必彰于後人各有心事胡可掩定空虛之魏以屈于已
孰若仗義勇宣皇祖考立功于漢世之人正情遇物假之
必兼義勇宣皇祖考立功于漢世之人正情遇物假之
超越志在傾主德不素積義險冰薄宣爾勞思報亦淡魏武
雖形屈當年意申百世降心全己憤慨于下非道服北重
有純臣之節畢命曹氏忘濟世之功不言所起是故漢高稟
命于懷王劉氏乘弊于言其秦超二僞以遠嗣不論近而計
功考五德于帝典不疑道于秦超二僞以遠嗣不論近而計
于古以業取之既美而已德亦重故也凡天下事有可借喻
楚二國皆僭號之王也若使楚莊推鄢郢以尊春秋之時吳
舉三國皆僭號之王也若使楚莊推鄢郢以尊春秋之時吳
撫之而光宅彼必自繫于周室不推吳楚以尊春秋之時吳
積勳累功靜亂寧眾數之所錄眾之所斃運奇二紀而平
授不賴于因藉之力長轡廟堂吳蜀兩斃運奇二紀而平
定天下服魏武之所不能臣蕩累葉之蜀人所不能除者哉
漢末鼎沸五六十年吳魏犯順而強蜀人所不能除者哉
不能相一萬姓曠而無主夫有定天下之大功為天下之家

續後漢書原月

一

宜稼堂叢書

所推孰如見推于閭人受尊于微弱配天而為帝方駕于
三代豈比俛首于曹氏側足于不正即情而恆實取之而
無慚何與詭事而託偽開亂于將來者乎是故舊之恩
可封魏後三恪之數不宜見列以晉承漢功實顯然正名
當昔周人詠祖宗之德追述商之魏而虧我道于大通
哉稱配天之義然後稷勤于所職聿來未以自君異于司
馬氏仕于曹族三祖之寓于魏世矣且夫魏自君之道不
正則三祖臣魏之義未盡義未盡故假塗以運高略道不
正故君臣之節有殊然則因道不盡故假塗以運高略道不
高拱不勞汗馬而有靜亂之功者蓋動足以殷商故也今子
以登天位雖我德慙于帝王不嫌漢之繫周而不繫秦何
不疑共工之不得列于帝王不嫌漢之繫周而不繫秦何
至于魏猶凝滯而不化哉夫欲尊其君而不知推之于
堯舜之道欲重其國而反厝之于不勝其君而不知推之于
地豈君子之高義若猶未悟請于是止矣
宋元嘉中文帝
詔中書侍郎裴松之采三國異同凡數十家以注壽書補
其闕漏辨其舛錯績力雖勤而亦不能更正統體歷南北
隋唐五季七百有餘歲列諸三史之後不復議為也宋丞

相司馬光作通鑑始更蜀曰漢仍以魏紀事而昭烈為僭

偽原注通鑑魏黃初二年夏四月丙午漢中王即皇帝位
治必相與戴君以亂斯可謂之君矣是以三代之前海內諸
侯何啻萬國有民人社稷者通謂之君合萬國而君之立
法度班號令而天下莫敢違者通謂之君矣是以三代之前
諸侯力爭或曠世無王者固亦多矣秦焚書坑儒漢興道
者始推五德生勝以秦為閏位在火之問霸而不王于
是正閏之論興矣及漢室傾覆三國鼎峙晉氏失馭五胡
雲擾宋魏以降南北分治各有國史互相排黜南謂北為
索虜北謂南為夷朱氏代唐四方幅裂朱邪入汴比之
窮新運歷年紀皆棄而不數此皆私己之偏辭非大公之
通論也臣愚誠不足以識前代之正閏竊以為苟不能使
九州合為一統皆天子之名無其實者也雖華夷仁暴
一大小強弱或時不同要皆與古之無其實者也雖華夷仁暴
為正邪則陳氏何所授拓跋氏何所受若以自居相授受者
都邪則劉石慕容苻姚赫連所得之土皆五帝三王之舊
賣後漢書原序

之季豈無辟王是以正閏之論自古及今未有能通其義
確然使人不可移奪者也臣今所述止欲敘國家之興衰
著生民之休戚使觀者自擇其善惡得失以爲勸戒非若
春秋立褒貶之法撥亂世反諸正也正閏之際非所敢知
但據其功業之實而播遷猶承祖宗之業有紹復之望
四方與之爭衡者皆其故臣也故全用天子之制以臨之
其餘地醜德齊莫能相敵無所抑揚庶幾不誣事實近于
國之制處之彼此鈞敵無所抑揚庶幾不誣事實近于
公然天下離析之際不可無歲時日月以識事之先後據
漢傳于魏而晉受之晉承之故不以至于陳而隋取之唐傳
于梁以至周而大宋承之故不以至于魏而齊梁陳後
梁後唐後晉後漢後周年號以紀諸國之事非尊此而卑
彼有正閏之辨也昭烈之于漢雖云中山靖王之後而族
屬疏遠不能紀其世數名位亦猶宋高祖稱楚元王後南
唐烈祖稱吳王恪後是非難辨故不敢以光武及晉元帝
爲之比使得紹漢至晦庵先生朱熹爲通鑑作綱目黜魏而
氏之遺統也

以昭烈章武之元繼漢統體始正矣

原注通鑑綱目建安
二十五年魏文帝曹

丕黃初元年是歲僭國一春正月丞相冀州牧魏王冬十月魏
還至洛陽卒太子丕自立爲丞相冀州牧魏王冬十月魏

王曹丕稱皇帝廢帝爲山陽公十二月魏主丕如洛陽昭
烈皇帝章武元年魏黃初二年夏四月魏封王卽皇帝位
孫權徙治武昌秋八月魏遣使降魏魏封爲吳王二年
魏黃初三年吳大帝孫權黃武元年舊國一新國一凡二
僭國後主建興四年魏孫權圍江夏不克七年魏太和三年吳
主丕卒秋八月吳王權圍江夏不克七年魏太和三年吳
黃龍元年夏四月吳王權圍江夏不克七年魏太和三年吳
吳主權盟舊史及通鑑皆以建安二十五年爲魏黃初元
年今猶繫之漢漢未也曹丕廢漢帝而昭烈卽位乃以
章武元年爲漢魏自僭也孫權受魏封爵始稱吳王著
其封于魏也然後魏稱僭也孫權受魏封爵始稱吳王著
列國僭于魏也然後魏稱僭也孫權受魏封爵始稱吳王著
刑臣弄天綱西園植姦穢五族沈忠良青青千里草乘時
起陸梁當塗轉凶悖炎精遂無光桓桓左將軍杖鉞西南
疆伏龍一奮躍鳳雛亦飛翔祀漢配彼天出師驚四方天
意竟莫回王圖不偏昌晉史自帝魏後賢盡更張世無魯
連子千載然而本史正文猶壽書經嘗聞搢紳先生餘論
徒悲傷

謂壽書必當改作竊有志焉及先君臨終復有遺命斷欲
爲之事梗不能中統元年詔經持節使宋告登寶位通好

弭兵宋人館留儀真不令進退束臂抱節無所營為乃破
 橐發凡起漢終晉立限斷條目以更壽書作表記傳錄諸
 序議贊十二年夏五月令伴使西珪借書于兩淮制使印
 應雷得二漢三國晉書遂作正史以裴注之異同通鑑之
 去取綱目之義例參校刊定歸于詳實以昭烈纂承漢統
 魏吳為僭偽十三年冬十月書成年表一卷帝紀二卷列
 傳七十九卷錄八卷共九十卷別為一百三十卷仍故號
 曰三國志原注義例曰史之有書尚矣而稱謂不一如三
 皇之書則謂之墳五帝之書則謂之典虞夏商
 周則謂之書歷代寶傳則謂之檮杌魯謂之春秋其為記錄言
 各有名晉謂之乘楚謂之檮杌魯謂之春秋其為記錄言
 動則一其名則無定也戰國秦漢之世記注愈繁如左氏
 傳國語世本戰國策鐸氏微秦紀八覽六論等不可勝紀
 皆不能為完書至司馬遷總為撰集自黃帝訖漢武之獲
 麟名曰史記班固作前史始于高帝終于王莽別為一代

如虞夏商周而謂之漢書陳壽之為國志時東漢史尚無
 完書乃斷自獻帝而下為魏蜀吳書總謂之三國志天下
 分裂統體不一如周衰列國故如國語別為書而謂之志
 志亦記也今雖增修革訛飭陋正其統體其名不可易故
 仍曰三國志云先生比謹案陵川集載此序云號曰續後
 之意今各具本條下漢書與此不同觀此注則知作序時本名三國志後乃改
 名續後漢書苟宗道所為行狀有云仍改曰續後漢者是
 也其後延祐間中書省咨文仍稱三國志至江西行省開
 刊始定稱續後漢書馮良佐序所云今所定稱者是也明
 代刊集者誤改其文在此奮昭烈之幽光揭孔明之盛心
 序中當仍其原本為是祛操丕之鬼域破懿昭之城府明道術闢異端辨姦邪表
 風節甄義烈核正偽曲折隱奧傳之義理徵之典則而原
 于道德推本六經之初苴補三史之後千載之蔽一旦廓
 然矣古之為書大抵聖賢道否發憤而作屈平離騷馬遷
 史記皆是也然皆晷昧一時流光百世故韓愈謂以彼易

此孰得孰失原注韓文榘子厚墓誌子厚斥不久窮不極雖有出于人其文學辭章必不能自力以致必傳于後如今無疑也雖使子厚得所願為將相于一時以彼易此孰得孰失必有能辨之者今拘幽之極而集是蓋亦失中之得古人之志也嗚呼安得復于先君而告卒事乎十有五日庚子翰林侍讀學士行臺宣撫使持節入宋國信大使陵川郝經序

新注序

三國事涉漢晉參出互見百有餘年諸所記注不啻數十百家其行于世者漢史則華嶠漢書謝承後漢書司馬彪續漢書袁宏漢紀袁曄獻帝春秋張璠漢紀樂資山陽公載記王隱蜀記孫盛蜀世譜郭沖五事魏史則王沈魏書元魏書及傅子評斷孫盛魏氏春秋魚豢魏略孔衍漢

晉春秋陰澹魏紀吳史則韋昭吳書虞溥江表傳胡沖吳歷虞預會稽典錄環氏吳紀于晉則干寶晉紀虞預晉書王隱晉書謝沈晉書孫盛晉陽秋傅暢晉諸公贊徐廣晉紀皆各著一國之事以自名家獨陳壽合魏蜀吳總爲三國志號稱良史然其事多疏略故宋文帝命裴松之爲注大集諸家之書補其遺闕各具本文下且爲考正辨其得失其諸書疏援引事類出異書者注之事顯者則不注今宣撫陵川先生更正陳志凡裴注之事當入正文者則爲刪取其乖戾不合不可傳信者則置之命宗道掇拾具注新書本文下陳志之評裴注之論亦爲具載其義理悖誤者則以所聞于先生餘論爲之辨正凡書疏論議所引古

續後漢書原序
今事類裴注之未備者皆爲苴補事已見者不重出無所
考者則闕之先生比爲新書先作義例條目以明予奪之
旨今各具本文下其書法則復發凡舉例以見其義宗道
初事先生之父靜直先生旣又受學于先生先生之開府
南陽辟宗道爲屬掾奉使入宋又辟充典書狀繼綫患難
十有三年故不敢不承命亦庶幾附驥尾而廁名于大典
之末云宣撫司都事充國信書狀官門生河陽苟宗道序
後序

人有恆言曰經史史所以載興亾而經亦史也書紀帝王
之政治春秋筆十二公之行事謂之非史可乎蓋定于聖
人之手則後世以經尊之而止及乎興亾則謂之史也古


史分十七東漢而下西晉而上有三國志亦十七之一也
出于陳壽之筆不可謂失三國之實獨帝魏而不知蜀之
正統爲史筆之玷又前史紀傳外有書志所以載三才之
輿禮樂食貨兵刑官職之異而壽皆未及九史筆之欠此
紫陽朱文公詩云後賢盍更張感歎所由發也後紫陽百
餘年徒增閱史者之慨中統庚申郝文忠公以行臺宣撫
持節使宋而畱滯儀真進退維谷乃繼先志修舊史破橐
發凡首帝昭烈魏吳止筆其實表外有紀傳以辨崇卑而
復爲八錄以補陳闕各冠以序述其從起結以議贊會其
指歸考前言徵後史而損益之儀真受一時之抑而史書
流百世之芳公之榮遠矣公之先世詩書之澤鍾陵川清

粹之氣嬉笑怒罵鋪張吟諷皆成文章由賦詩而至移文復三十有九卷公之文博矣若夫續後漢書暨陵川集則今之所定稱也延祐戊午集賢陳大學士以公書敷奏聖天子念故臣之可憫喜藏書之有傳睿旨恩潤俾江西行省繡梓一哉王心繼今以往天下後世有以誦習而資德業矣臣良佐時職寄江西提衡儒學省堂孜孜欽承就委董役率儒人胡元昌等詳正其字庶無訛矣工畢念不容已用紀歲月云是年秋七月既望臣馮良佐頓首百拜謹識

續後漢書目錄

目中篇缺者以點誌之

年表一卷



帝紀二卷

列傳七十九卷

錄八卷

年表

卷一

闕

帝紀

帝紀第一

卷二

昭烈皇帝

帝紀第二

卷三

末帝

列傳

列傳第一上 后妃

卷四上

昭烈甘皇后

穆皇后 兄懿 懿族弟班

末帝敬哀張皇后

張皇后

列傳第一下 昭烈二王 帝太子六王 末

卷四下

魯王永

梁王理

太子璿 弟瑤 恂 琮 虞 瓚

列傳第二 宗室諸劉

卷五

陳王寵

劉焉 子璋 董扶 任安 王商

劉虞

劉繇 子基 兄岱

劉表

子琦 琮 蒯越 韓嵩 劉先 傅英 王雋

列傳第三 漢臣

卷六

皇甫嵩

朱雋

蓋勳

列傳第四 漢臣

卷七

何進 弟苗

鄭泰

何容

种劭

王允 王宏 士孫瑞 趙啟

列傳第五 漢臣

卷八

董卓

李傕 郭汜 楊奉 韓暹 樊稠 張濟 李樂 胡才

韓遂

馬騰 成公英 張楊 董承 閻行

呂布

張邈 高順

陳瑋 弟超

陳宮

列傳第六

漢臣

卷九

袁紹上下

子譚 逢紀 熙

尚 審配

從兄遺 沮授

田豐

外甥高幹 麴義

李孚 王修

袁術上下

列傳第七

漢臣

卷十

陶謙

子融 趙昱

公孫瓚

公孫度

子康 子晃

恭

淵

列傳第八

漢臣

卷十一

張燕

張繡

張魯

閻圃 劉雄 鳴

士燮

子徽 黼

麻 武

燮弟壹 壹弟匡

列傳第九

漢臣

卷十二

荀爽

黃琬

楊彪

列傳第十

漢臣

卷十三

盧植

趙岐

孫資 碩

列傳第十一

漢臣

卷十四

徐璆

馬日磾

陳登

太史慈

許劭

徐庶

石韜 孟建

列傳第十二

漢臣

卷十五

諸葛亮

列傳第十三 漢臣

卷十六

關羽

張飛

趙雲 陳到

黃忠

馬超

列傳第十四 漢臣

卷十七

龐統

法正 祖父真

列傳第十五 漢臣

卷十八

許靖

糜竺 弟芳

孫乾

簡雍

伊籍

秦宓

費詩

杜微 五梁

列傳第十六 漢臣

卷十九

董和 胡濟

楊容 賴左 姚仙

李福

劉巴

馬良 弟諤

向朗 兄子寵

張裔

楊洪

何祗

卷二十

列傳第十七 漢臣

卷二十一

劉封

劉劭

彭蒙

李邈

廖立

李嚴

魏延

楊儀

列傳第十八 漢臣

卷二十一

王連

李恢

呂凱

馬忠

王平

張嶷

霍峻 子弋

羅憲

列傳第十九 漢臣

卷二十二

蔣琬 子斌

費禕

董允 董恢

呂乂

陳祗

董厥 樊建

列傳第二十 漢臣

卷二十三

姜維

張翼

廖化

列傳第二十一 漢臣

卷二十四

楊戲

王嗣

常璩

衛繼

譙周 子熙

郤正

列傳第二十二 魏

卷二十五

曹操上下 武帝

列傳第二十三 魏

卷二十六

曹丕 文帝

列傳第二十四 魏

卷二十七

曹叡 明帝

曹芳 齊王

列傳第二十五 魏

曹髦 高貴鄉公

曹奐 陳留王

列傳第二十六上 家人

曹操卞夫人 武宣皇后

卷二十九上

曹丕甄后 文昭皇后

郭后 文德皇后

曹叡毛后 明悼皇后

郭后 明元皇后

列傳第二十六下 操三子

卷二十九中

曹彰 任城威王

曹植 陳思王

曹熊 蕭懷王

列傳第二十六中 操丕諸子 卷二十九下

曹昂 豐愍王

曹鑠 相殤王

曹沖 鄧哀王

曹據 彭城王

曹宇 燕王

曹林 沛穆王

曹袞 中山恭王

曹玪 濟陽懷王

曹峻 陳留恭王

曹矩 范陽閔王

曹幹 趙王

曹子上 臨邑殤公

曹彪 楚王

曹子勤 剛殤王

曹子乘 穀城殤公

曹子整 郟戴公

曹子京 靈殤公

曹均 樊安公

曹子棘 廣宗殤公

曹徽 東平靈王

曹茂 樂陵王

曹協 贊哀王

曹髦 北海悼王

曹鑿 東武陽懷王

曹霖 東海定王

曹禮 元城哀王

曹邕 邯鄲懷王

曹貢 清河悼王

曹儼 廣平哀王

列傳第二十七 諸夏侯

卷三十

夏侯惇 弟廉 子充 史換

楸

夏侯淵 子衡 威 惠 霸 和

夏侯尚 從弟儒

曹仁 弟純 應余

曹洪

曹休 子肇 肇孫攄

曹真

列傳第二十八 魏臣

卷三十一

荀彧 子惲 孫颺 冀

荀攸

賈詡

列傳第二十九 魏臣

卷三十二

鍾繇 子毓

華歆 子表 博 孫廙 矯 澹 周

王朗

列傳第三十 魏臣

卷三十三

程昱 孫曉

郭嘉

董昭

劉曄

蔣濟

典章

列傳第三十一 魏臣

卷三十四

張遼

樂進

于禁 三十二

張郃 三十五

徐晃

朱靈

李典

列傳第三十二 魏臣

卷三十五

李通 孫秉 秉子重

臧霸 孫觀

文聘

呂虔

許褚

典韋

龐憲

郝昭

張特

龐涓 張猛 鮑出 楊豐

閻溫 張恭 恭子就 就子敦

列傳第三十三 魏臣 卷三十六

袁渙 子侃 萬 敏 奧 準 從弟霸 曾孫宏

張範 弟承 邴原 張閣

涼茂

國淵

徐奕

何夔

邢容

卷四十二

列傳第三十四 魏臣

卷三十七

陳羣 子泰

孫資

列傳第三十五 魏臣

卷三十八

劉劭

傅嘏

列傳第三十六 魏臣

卷三十九

桓階

陳矯 子本 薛悌

徐宣

衛臻 孫權

盧毓 子欽

列傳第三十七 魏臣

卷四十

和洽

常林

杜襲

趙儼

裴潛 三十六

卷三十六

列傳第三十八 魏臣

卷四十一

韓暨 韓宣

崔林 三十八

高柔

孫禮

王觀 三十四

卷三十四

列傳第三十九 魏臣

卷四十二

辛毗

楊阜

高堂隆 棧潛 董尋 張茂

列傳第四十 魏臣

卷四十三

劉馥 子靖 孫宏

司馬朗

司馬芝 子岐

梁習 王思 劉類

張旣 徐英

游楚 父殷

楊沛

溫恢

賈逵 四十四

卷四十四

列傳第四十一 魏臣

卷四十四

任峻 東祗

蘇則 吉茂

杜畿 子恕 孟康

鄭渾 從子表

倉慈 皇甫隆 顏斐 令狐邵 孔父 沐竝 時苗

列傳第四十二 魏臣

卷四十五

滿寵子偉 奮

田豫四十五

牽招子宏

郭淮

列傳第四十三 魏臣

卷四十六

徐邈

胡質子威

列傳第四十四 魏臣

王基四十四

列傳第四十四 魏臣

卷四十七

劉放孫資 資孫楚

列傳第四十五 魏臣

卷四十八

曹爽弟羲 訓 何晏 桓範 鄧鸞 丁謚 畢軌 李勝 魯芝 楊綜

列傳第四十六 吳

卷四十九

孫堅

孫策四十三

列傳第四十七 吳

卷五十四

孫權大帝

列傳第四十八 吳

卷五十一

孫亮侯官侯

孫休景帝

孫皓歸命侯

列傳第四十九 家人

卷五十三上

孫堅吳夫人弟景

孫權謝夫人弟承

徐夫人父琨 兄矯

步夫人

王夫人

王夫人

潘后袁夫人

孫亮全后父尚

孫休朱后

孫和何姬

孫皓滕后

列傳第四十九下 諸孫

卷五十二下

孫登 宣太子 謝景

孫慮 建昌侯

孫和 南陽王

孫霸 魯王

孫奮 章安侯

列傳第五十 諸孫

卷五十三上

孫靜 子瑜 皎 奐 奐子壹 張梁

孫賁 子鄰 鄰子震 曾孫惠 策族兄香

孫輔

孫翊 子松

孫匡 子泰 孫秀

孫韶 兄楷

孫桓

列傳第五十一 吳臣

卷五十四

張昭 子承 弟子奮

張紘 子元

列傳第五十二 吳臣

卷五十五

周瑜 子允

魯肅 子淑

列傳第五十三 吳臣

卷五十六

呂蒙

陸遜

列傳第五十四 吳臣

卷五十七

孫邵

顧雍 子劭 劭子譚 承 雍孫榮

族人悌 殷禮

步騭 子闡 周昭 李肅

諸葛瑾 少子融

列傳第五十五 吳臣

卷五十八

程普

黃蓋

韓當

蔣欽

周泰

陳武

子修表

董襲

甘寧

凌統

父操

徐盛

潘璋

丁奉

列傳第五十六

吳臣

卷五十九

朱治

子才

朱然

子施績

呂範

朱桓

列傳第五十七

吳臣

卷六十

薛綜

子瑩

胡綜

徐詳

駱統

父俊

陸瑁

是儀

李衡

列傳第五十八

吳臣

卷六十一

賀齊

子建弟景

全琮

子懌

呂岱

徐原

鍾離牧

少子徇

潘濬

子翥

周魴

子處

列傳第五十九

吳臣

卷六十二

陸凱

子禕

陸抗

子晏

列傳第六十

吳臣

卷六十三

諸葛恪

聶友

滕允

孫峻

孫綝

濮陽興

孟仁

丁固

范慎

列傳第六十一 吳臣

卷六十四

陶璜 父基 子威

吾彥

滕修 子竝

卷六十三

列傳第六十二上上 儒學

卷六十五上上

經術總敘 易書詩春秋禮

列傳第六十二上下 儒學 卷六十五上下

漢

何休

服虔

穎容

謝該

許慎

蔡元

鄭元

許慈

孟光

來敏

尹默

李譔

列傳第六十二下上 儒學 卷六十五下上

魏

王肅 子恂

董遇

賈洪

隗禧

樂詳

嚴幹

庾峻 子珉

列傳第六十二下下 儒學 卷六十五下下

吳

嚴峻 裴阮

程秉 徵崇

闕澤 唐固

虞翻 子汎 忠

陸續

列傳第六十三上上 文藝

卷六十六上上

文章總敘

易部

序論說評

書部

解問難語 冊制策赦令

詩部

賦引古詩樂府歌 行吟謠

春秋部

國史箴碑贊記 雜文 銘 符命

列傳第六十三上下 文藝

卷六十六上下

漢

崔寔

從兄烈 烈子鈞

蔡邕

彌衡

應劭

列傳第六十三中上 文藝

卷六十六中上

漢

荀悅

仲長統

陳壽

列傳第六十三中下 文藝

卷六十六中下

魏

潘勗

孫尼 族子岳

路粹

列傳第六十三下上 文藝

卷六十六下上

魏

王粲

阮瑀

劉楨

桓威

應璩

陳琳

應瑒

吳質

劉廙

李康

卷六十三下

卷六十四

卷六十五

卷六十六中

卷六十七

卷六十八

列傳第六十三下下

吳

左思

列傳第六十四

漢

文藝 卷六十六下下

文藝 卷六十六中下

陸機

蔡卷六十七

卷六十八

卷六十九

卷七十

卷七十一

卷七十二

卷七十三

卷七十四

卷七十五

卷七十六

卷七十七

卷七十八

鄧芝

陳震

顧徽

沈珩

浩周

馮熙

秦旦

紀陟

臧洪

宗預

趙咨

陳化

鄭泉

張溫

鄭胄

張儼

田疇

卷六十五

義士

卷六十八

陳容

田疇

列傳第六十六上 高士 田卷六十九上

漢 漢六十五 漢六十八

郭泰 左原 茅容 孟敏 庾乘 賈淑 史叔賓 黃允 謝甄 王柔

符融 仇覽

陳寔 子紀 諡 鍾皓 黃憲

徐穉 姜肱

申屠蟠 張元 兄陵

袁閔

列傳第六十六中 高士 卷六十九中

漢

龐公 徐幹

管寧 王烈 張珩 胡昭 李密 子賜 一士

列傳第六十六下 高士 卷六十九下

魏

范粲 子喬 皇甫謐

王裒 六十六下 六十八下

吳 王翕 氏大目 蔣萇 文燧 曹咨 氏仲 燧子燾

石偉 范平 命 志 恩 下 單 固

列傳第六十七上 死國 卷七十上

漢

孔融 脂習 中 傅彤 子僉 中

程畿 黃崇 北地王 諡

諸葛瞻 子尚 黃崇

列傳第六十七中 死國

卷七十中

魏

夏侯元 李豐 許允 劉陶 豐弟翼

張緝

王經

王淩 令狐愚 楊康 單固

母丘儉 子甸 尹大目

諸葛誕 文欽 唐咨 欽子鴛

列傳第六十七下 死國

卷七十下

吳

雷贊 子平

呂據

朱異

張悌 孫震 沈瑩

列傳第六十八上 死虐

卷七十一上

魏

邊讓 其

周不疑

楊修

丁儀 弟廙

崔烈 許攸 婁圭

毛玠

楊俊

鮑勳 父信

鄭小同

列傳第六十八下 死虐

卷七十一下

吳

高岱

于吉

盛憲

沈友

張休

吾粲

朱據

王蕃

樓元

賀邵

韋曜

華覈

邵疇

張尙

列傳第六十九上

技術

卷七十二上

漢

華陀

吳普 樊阿

薊子訓

左慈

甘始

東郭延年 封君達

王真

郝孟節

李意其

周羣

張裕

杜瓊

何宗

列傳第六十九中

技術

卷七十二中

魏

朱建平

周宣

馬鈞

管輅

列傳第六十九

技術

卷七十二下

吳

吳範

劉惔

趙達

皇象

陳訓

葛洪

列傳第七十上上

狂士

卷七十三上上

魏

王弼

荀粲

焦先

扈累

石德林

嵇康

向秀

郭象

孫登

劉伶

列傳第七十上下 狂士

卷七十三上下

魏

阮籍

從子修

阮咸

子瞻

列傳第七十下上 狂士

卷七十三下上

魏

王戎

從弟衍 衍弟澄

列傳第七十下下 狂士

卷七十三下下

魏

樂廣

謝鯤

胡母輔之

子謙之

畢卓

光逸

衛玠

王濟

列傳第七十一 叛臣

卷七十四

漢

孟達

父他 申耽

黃權

列傳七十二上 篡臣

卷七十五上

魏

司馬懿 子師

司馬孚 子望

列傳第七十二下 篡臣

卷七十五下

魏

王沈

賈充 韓壽子謚

鄭沖

王祥 弟覽

何曾 子劭

石苞 子崇

陳騫

荀覲

裴秀

荀勗 馮統

列傳第七十三 取漢

卷七十六

鄧艾 州泰段灼

鍾會 向雄

衛瓘

列傳第七十四 平吳

卷七十七

羊祜

杜預 子錫

王渾

周浚

王濬

唐彬

列傳第七十五 列女

卷七十八

漢

宏農王妃

皇甫規妻

陰瑜妻

盛道妻

董祀妻

魏

龐娥親

姜敘母

趙昂妻

杜有道妻

曹文叔妻

羊耽妻

許允妻

吳

孫翊妻

張白妻

列傳第七十六上 北狄

卷七十九上

四夷總序

北狄 匈奴 劉氏 石氏 沮渠氏 赫連氏

列傳第七十六下 北狄 卷七十九下

烏桓

鮮卑 慕容氏 段氏 吐谷渾氏 秃髮氏 乞伏氏 拓跋氏 宇文氏

列傳第七十七上 西戎 卷八十上

羌 赤亭羌 湟中月氏胡氏 白馬氏 略陽氏 苻氏 呂氏 仇池氏

列傳第七十七下 西戎 卷八十下

西域 六十國 祇烏戈弋山 祇條支安息大秦四篇 備悉缺

列傳第七十八 東夷 卷八十一

東夷 夫餘 高句麗 勃海 東沃沮 濊 辰韓 弁辰 挹婁 倭人

列傳第七十九 南蠻 卷八十二

南蠻 交趾 林邑 扶南 巴郡南郡蠻 板楯蠻夷

西南夷 夜郎 牂牁 滇 哀牢夷 邛都夷 冉駝夷

錄

錄第一上 道術 卷八十三上

正傳

伏羲 周公

堯 舜 孔子

顏子

湯 曾子

文王 子思

武王 孟子

錄第一下

道術

卷八十三下

諸子

荀子 揚子

董子

百家

異端

楊墨 申韓

老莊 仙佛

管商

錄第二上上

歷象

八十四上上

太極陰陽

天地

六天

儀象

晷影

黃赤道

錄第二上下

歷象

卷八十四上下

天文經星

三垣

紫微 天市

太微

辰次

分野

錄第二中上

歷象

卷八十四中上

二十八舍

天漢

錄第二中下

歷象

卷八十四中下

緯曜占候

日

月

歲

熒惑

填

太白

辰

雜星

輝氣

五行

災異

錄第二下上

歷象

卷八十四下上

歷法上

錄第二下下 歷象

卷八十四下下

歷法下

錄第三 疆理

卷八十五

漢益州 二十郡

魏司隸 八郡

豫州 九郡

冀州 十一郡

兗州 八郡

徐州 五郡

青州 六郡

幽州 十二郡

并州 五郡

涼州 八郡

秦州 三郡

荊州 六郡

揚州 二郡

吳揚州 十四郡

荊州 十五郡

交州 八郡

廣州 七郡

錄第四上 職官

卷八十六上

爵級

奉祿

車服

印綬

選舉

宰相

三公 太師 太傅 太保 司徒 司空

將軍 大將軍 驃騎將軍 車騎將軍

衛將軍 左右諸將軍 使持節都督 雜號將軍

錄第四中 職官

卷八十六中

九卿 太常 光祿勳 宗正 衛尉 太僕 廷尉

將作 大匠

錄第四下 職官

卷八十六下

京師兵官

執金吾 北軍中候

城門校尉

中宮官

東宮官

十六中

封建

王 侯

京輔官

司隸校尉 京兆尹 河南尹

州郡官

刺史 郡守

外夷官

錄第五上上

禮樂

卷八十七上上

天類

郊 合郊

五郊

六天

九天

六宗

朔 風雨雷師

臘 高禱

雩 伏

犬雩

錄第五上下

禮樂

卷八十七上下

地類

社稷

軍社

亳社

靈星

先蠶

五祀

錄第五中上

禮樂

卷八十七中上

人類上

明堂

辟雍

靈臺

養老

燕射

鄉

禘祫

時享

二王後

孔子祠

羣祀

宗廟

錄第五中下

禮樂

卷八十七中下

人類下

冠 婚

朝會

喪制

短喪

喪禁

葬 上陵

厚葬 山陵

薄葬

火葬

改葬

招魂葬

錄第五下上

禮樂

卷八十七下上

律呂

聲音

錄第五下下

禮樂

卷八十七下下

代樂

錄第六

卷八十八

刑法

闕

錄第七

卷八十九

食貨

錄第八上 兵

卷九十上 兵

兵道

兵制

錄第八中 兵

卷九十中 兵

兵陳

兵教

兵法

兵柄

兵將

錄第八下 兵

卷九十下

兵地

兵機

兵氣

兵占

兵攻

兵守

兵

夷兵

臣

等謹案續後漢書九十卷元郝經撰經字伯常

陵川人官至翰林學士贈昭文館大學士榮祿大

夫追封冀國公諡文忠事蹟具元史本傳經以中

統元年使宋值賈似道方詐報鄂功恐泄其匿敗

請和之謀拘畱真州者十六年使館羈困思託空

言以垂後因作易春秋外傳太極演原古錄通鑑

書法玉衡真觀等書此其一也其書乃取陳壽三

國志別加刪訂以昭烈上紹漢統升為本紀黜吳

魏皆爲列傳三國之臣則以漢魏吳別之又別爲儒學文藝行人義士高士死國死虐技術狂士叛臣篡臣取漢平吳列女四夷諸傳又以壽書無志作入錄以補其闕各冠以序而終以議贊原目九十卷中間各分子卷實一百三十卷自朱子修綱目始以蜀爲正統蕭常復本其意作續後漢書經當時未見常書乃能獨伸大義勒成一編盡祛陳壽以來帝魏寇蜀之謬識見可謂醇正其間持議亦頗有可取惟論次諸傳意在貫徹首尾徵引較繁不免失之汎濫如黃憲卒于漢安之世葛洪顯于晉元之朝而特爲立傳其他漢晉諸臣以行事

間涉三國概加闕入者不一而足限斷殊疏至其分晰門目進退失倫尤多乖迂如董卓陰蓄異謀實爲漢賊乃列之正傳絕無貶詞司馬懿傾覆曹宗未可云篡漢之人而身圖嬪代如曹操者反首列魏傳而不載諸篡臣之內又狂士一門如阮籍等之猖狂自放固當列入示貶至王戎雖以鄙嗇損譽而識鑒足重豈可竝日以狂樂廣心存名教衛玠意在致身更不宜與籍等援爲同類又鄭沖王祥等雖身事二姓而未嘗覬覦神器謂之貳臣則可乃併繫以篡亦殊失平允凡此皆其體例之舛誤者律以史法均爲未協至公然經平生敦崇

正學其以行人被執艱辛困苦未嘗少屈其志惟以著述自娛終能完節而歸洵可稱不辱君命者其人足重卽其書亦足以傳矣經所譏尙有陵川集元延祐戊午與是書皆官爲刊行迨明之中葉陵川集僅存而是書傳本遂絕今惟永樂大典所載尙多核以原目其全篇完好者十尙可得六七序文議贊則僅缺十一惟年表一卷刑法錄一卷全佚無存謹各據原目詳加校輯所分子卷悉仍其舊列傳內間有殘缺者以其文已多具于陳志不復採補以省煩複再經所採乃陳志舊本其中字句與今本往往異同今亦各繫案語用資考證

雖未能一一悉還原本之舊而彙次排比煥然復成完書謹詳加校繕著之于錄庶經編輯之勤不至湮沒于來世至書中之注乃書狀官河陽苟宗道所作宗道字壽甫與經久同患難遂從學于經還朝後官至國子祭酒其于是書去取義例頗有發明惟列傳中或有全篇無注者疑修永樂大典時傳寫遺脫今亦姑仍之云乾隆五十年五月恭校上

總纂官臣紀昀臣陸錫熊臣孫士毅

總校官臣陸費墀

札記四卷附

此書及蕭氏常續後漢書皆門下士上海郁君泰峯
所校刊余適以精程同知移駐上海泰峯遂以見贈
暇日輒為校讀其在論集行錄字則以朱筆誌之
正考正辨異泰峯別有札記附刊於後云

道光癸卯十月十八日校畢炳垣識



續後漢書目錄



續後漢書卷第一

年表

元 郝 經 撰




闕

續後漢書卷第一

續後漢書卷第二

帝紀第一

元郝經撰



義例曰魏晉自以為正統相繼故不舉昭烈之謚稱曰先主陳壽遂不以漢為帝紀曰先主傳非也先主者大夫稱其先大夫之辭也繼漢而不稱漢未嘗稱蜀而稱蜀葦劣甚矣夫昭烈景帝之子中山靖王之後為左將軍時受獻帝衣帶中密詔誅曹操不克出奔徐州起兵討操又不克奔袁紹與紹討操又不克遂依劉表說表襲許以誅操表不能及敗操于赤壁始有荆土攻劉璋于成都卻操于漢中遂有巴蜀操既幽帝弑后酖殺皇子篡弑已成昭烈以為高祖初封漢王出定三秦以討項羽故即漢中王位與兵討操及操死丕篡獻帝降廢漢統中絕遂即漢皇帝位以祀漢統于是乎在矣及其崩殂末帝嗣世孔明出師討魏繼之以死蔣琬費禕姜維諸人從與義烈尚數十年與魏俱斃則章武之元自可紹建安之末昭烈之與獻帝自為蜀乎其稱漢為蜀者魏晉間豈可削漢與魏遂以為蜀乎其稱漢為蜀者魏晉間豈

續後漢書卷二

一

宜稼堂叢書

雄舉孝廉終東郡范令昭烈少孤與母販屨織席為業舍東南角籬上桑生高五丈餘童童如小車蓋涿人李定曰是家當出貴人昭烈方幼與宗中諸兒戲桑下言吾必當乘此羽葆蓋車叔父子敬曰汝勿妄言滅吾門也年十五母使行學與同宗劉德然遼西公孫瓚俱事故九江太守同郡盧植德然父元起常資給昭烈與德然等元起妻曰各家何能常爾邪元起曰吾宗中有此兒非常人也而瓚淡與昭烈相友瓚年長昭烈以兄事之昭烈不甚樂讀書喜狗馬音樂美衣服身長七尺五寸垂手下膝顧自見其耳有大志少語言善下人喜怒不形于色推仁尚義廓如也好交結豪俠年少爭附之河東關羽匹命來歸與同郡

張飛兄事昭烈誓以死從中山大商張世平蘇雙等貲累千金販馬于涿郡知昭烈非常人乃多與之金昭烈資之因合徒眾靈帝末黃巾賊起州郡各舉義兵昭烈率其屬從校尉鄒靖討賊有功除安喜尉原注典略平原劉子平知備有武勇時張純反叛青州被詔遣從事將兵討純過平原子平薦備于從事遂與相隨遇賊于野備中創陽死賊去後故人以車載之得免後以軍功督郵以公事到縣昭烈求謁不通直入縛為中山安喜尉督郵以公事到縣昭烈求謁不通直入縛督郵杖二百解綬繫其頸著馬柳原注五棄官匹命原注典略其後州郡被詔書其有軍功為長吏者當沙汰之備疑在遣中督郵至縣當遣備備素知之聞督郵在傳舍備欲求見督郵稱疾不可見備恨之因還治將吏卒徑詣傳舍突入門言我被府君密教收督郵遂就牀縛之將出到界自解其綬以繫督郵頸縛之著樹杖頃之大將軍何進遣百餘下欲殺之督郵求哀乃釋去之

都尉母丘毅詣丹陽募兵昭烈與俱行至下邳遇賊力戰

有功除下密丞靈帝崩皇子辯即位太后何氏臨朝何進
誅宦官不克死之原注凡死國死官得其死者曰死之袁紹盡滅宦官董卓

入京師廢帝為宏農王立獻帝弒太后何氏原注義例曰章武元年蜀

中傳言獻帝已遇弒昭烈乃發喪制服諡曰孝愍皇帝遂即皇帝位然獻帝實未崩時曹丕廢為山陽公爾至末帝

建興十三年始崩曹叡諡曰孝獻皇帝故不得從未崩之諡祇曰獻帝

初平元年春正月州郡皆起兵討卓卓弒宏農王劫帝西

遷長安天下大亂昭烈復去官後為高唐尉遷為令原注英雄

記靈帝末年備嘗在京師後與曹公俱還沛國募召合眾會靈帝崩天下大亂備亦起軍從討董卓為賊所破奔奮

威將軍公孫瓚

二年夏六月袁紹逐冀州牧韓馥自領州原注凡自領與

攻瓚所置青州刺史田楷冬十月瓚表昭烈為別部司馬

原注凡曰表表請朝命也曰以者自以為之也使為楷拒紹數有戰功試守平原

令領平原相郡民劉平素輕昭烈恥為之下使客刺之客

不忍刺語之而去其得人心如此原注王沈魏書劉平結

甚厚客以狀語之而去是時人民饑饉屯聚鈔暴備外禦寇難內豐財施士之下者必與同席而坐同簋而食無所

簡擇焉袁紹還兵攻瓚昭烈與楷東屯齊瓚敗紹復攻楷

連戰踰年

三年夏四月董卓伏誅原注凡有罪當誅者曰伏誅卓黨賈詡以卓部

曲李傕郭汜等反陷長安殺司徒王允原注凡殺不以罪及兩下相殺者曰

殺遂共管朝政于是劉焉據益州劉表據荊州袁紹據冀

州袁術據揚州曹操據兗州其餘州郡皆擁兵自保更相

并滅不復奉朝廷矣

四年冬十月公孫瓚殺幽州牧劉虞自領州

興平元年春二月曹操攻徐州徐州牧陶謙遣使告急于

田楷楷與昭烈俱救之時昭烈自有兵千餘人及幽州烏

桓雜胡騎又略得飢民數千人既到謙以丹陽兵四千益

之昭烈遂去楷歸謙謙表昭烈為豫州刺史屯小沛夏四

月曹操擊破昭烈于郟東秋九月益州牧劉焉卒子璋自

領州冬十二月陶謙病篤謂別駕糜竺曰非劉備不能安

此州也謙卒竺率州人迎昭烈昭烈未敢當下邳陳登謂

昭烈曰今漢室陵遲海內傾覆立功立事在于今日鄙州

殷富戶口百萬欲屈使君撫臨州事不宜揖讓昭烈曰袁

公路近在壽春此家四世五公原注見袁紹傳海內所歸君可以

州與之登曰公路驕豪非治亂之主今欲為使君合步騎

十萬上可以匡主濟民成五霸之業下可以割地守境以

觀時變若使君不見聽登亦未敢聽使君也北海相孔融

謂昭烈曰袁公路豈憂國忘家者耶家中枯骨何足介意

今日之事百姓與能天與不取悔不可追昭烈遂領徐州

陳登遣使告袁紹曰天禍鄙州州將殂隕民人無主恐貽

盟主憂輒奉故平原相劉備領州紹報曰劉元德宏雅有

信義今徐州樂戴誠所望也劉備聞之

二年夏四月曹操攻呂布布來奔李傕郭汜相攻擊張濟

扶帝東歸不狂與張備夫張熲之弟關羽營自

建安元年夏六月袁術來攻昭烈使張飛守下邳自將拒

術于盱眙淮陰與術戰于石亭相持經月更有勝負陶謙
 故將曹豹為下邳相與張飛相失飛欲殺之豹眾閉營自
 守城中乖亂袁術與呂布書勸襲下邳許助以軍糧布大
 喜引軍水陸東下中郎將丹陽許耽開門迎之張飛敗走
 布虜昭烈妻子及將吏家口昭烈聞之引還比至下邳謹案
比至陳志作北至通鑑作比至與此合兵潰昭烈收餘兵東取廣陵與袁術
 戰又敗轉軍海西飢餓困蹙謹案困蹙今志作困敗此作困蹙與宋本合吏士
 相啖從事糜竺以家財助軍追迫原注音仄無歸乃降于布布
 亦忿袁術運糧不繼復以昭烈為豫州刺史還其妻子部
 曲家屬諸將謂布曰劉備數反覆難養宜早圖之布不聽
 以狀語昭烈與并勢擊術使屯小沛昭烈乃遣關羽守下

邳身還小沛秋七月帝至雒陽原注雒本洛魚豢云漢火行忌水故去水加佳自

光武後改八月曹操劫帝遷許遂專朝政表昭烈為鎮東
為雒字

將軍封宜城亭侯昭烈復合兵得萬餘人呂布惡之自出

兵攻昭烈昭烈敗走歸許曹操厚遇之表為豫州牧郭嘉

等謂操曰備有英雄之志今不早圖後必為患操不從益

兵給糧使東至沛收散敗以圖呂布是歲孫策據江東原注

義例曰凡事之無日者附于月之下稱是月無月者附于
 年之下稱是歲無年者附于其事之首尾如左氏稱初始
 及季年後之類無事可附者則約其時之早晚于一
 年之下與其事之相涉者即附之此記事之通例也

二年春正月袁術稱帝于壽春韓暹楊奉在下邳寇掠徐

揚間軍飢餓辭呂布欲詣荊州布不聽奉乃私與昭烈相

聞欲共擊布昭烈陽許之冬十一月奉引軍詣沛昭烈請

奉入城飲食未半於座上縛奉斬之暹失奉奔并州

三年夏五月呂布復與袁術通使人齎金詣河內買馬為

昭烈兵所鈔布怒遣其中郎將高順北地太守張遼攻昭

烈曹操遣將軍夏侯惇救之為順所敗遂破沛復虜昭烈

妻子送布昭烈挺身逸遇操于梁與操共擊布于下邳冬

十二月禽布斬之昭烈復得妻子從操還許表昭烈為左

將軍禮之愈重出則同輿坐則同席

四年春袁紹復攻公孫瓚三月克易京瓚自殺紹遂有幽

州帝自為曹操劫遷專制朝命不得有所為甚于惟汜帝

舅車騎將軍董承原注裴松之曰董承漢靈帝母董太后之姪于獻帝為丈人蓋古無丈人之名

故謂之舅也受帝衣帶中密詔令與昭烈誅操未發操從容謂

昭烈曰今天下英雄惟使君與操爾本初之徒不足數也

昭烈方食失匕箸值大雷震昭烈因曰聖人云迅雷風烈

必變良有以也遂與承及長水校尉种輯將軍吳子蘭王

子服等同謀夏四月袁術欲經徐州北就袁紹操遣昭烈

督朱靈路招邀擊術程昱郭嘉董昭皆諫操曰劉備不可

遣也操悔追之不及術南走病死朱靈等還冬十一月昭

烈遂殺徐州刺史車胄關羽守下邳行太守事引軍還

小沛原注胡冲吳歷曹公數遣親近密覘諸將有賓客酒食者輒因事害之備時閉門將人種蕪菁曹公使人

闕門既去備謂張飛關羽曰吾豈種菜者乎曹公必有疑

意不可復爾其夜開後柵與飛等輕騎俱去所得賜遺衣

服悉封畱之乃往小沛收合兵眾裴松之曰魏武帝遣先

主統諸將要擊袁術郭嘉等竝諫魏武不從其事顯然非

眾數萬人遣孫乾與袁紹連和操遣長史劉岱中郎將王忠擊之不克昭烈謂岱等曰汝百輩來無如我何曹操自來未可知爾

五年春正月董承等事覺操殺承及王子服种輯皆夷三族自將攻昭烈初昭烈謂操方與紹連兵不得東候騎卒至言曹公自來昭烈大驚及戰師望風崩潰操盡收其眾虜昭烈妻子并禽關羽以歸昭烈走青州青州刺史袁譚昭烈故茂才也將步騎迎昭烈昭烈隨譚到平原譚馳使白紹紹遣將道路奉迎身去鄴二百里與昭烈相見駐月餘所失士卒稍稍來集操與袁紹相拒于官渡汝南黃巾劉辟等叛操應紹紹遣昭烈將兵與辟等略許下夏四

月孫策卒弟權代領其眾關羽逃歸操遣曹仁將兵擊昭烈昭烈還紹軍陰欲離紹乃說紹南連劉表秋七月紹遣

昭烈將本兵復至汝南與龔都等合眾數千人操遣蔡揚謹案今志作蔡揚宋本作揚與此合擊之為昭烈所殺冬十月操大破紹軍

六年秋九月操自擊昭烈昭烈遣糜竺孫乾與劉表相聞表自郊迎以上賓禮待之益其兵使屯新野荆州豪傑歸昭烈者日益多表疑其心陰禦之一日表置宴蒯越蔡瑁欲因會取昭烈或以急告昭烈託被酒潛遁所乘馬曰的

盧走墮檀溪水中昭烈曰的盧今日危矣可努力的盧一

躍三丈遂得免謹案傳元乘與馬賦曰劉備之初降也太祖賜之驄馬使自至殿選之名馬以百數

莫可意者次至下殿有的盧馬委棄莫視瘦瘠骨立劉備檢而取之眾莫不笑之其後劉備奔于荆州逸足電發追

不可逮昭昭烈益開誠待之越等服其雅量表亦不復疑

終表之世遂無釁故原注孫盛曰檀溪之事此不然之言

晏然終表之世而無釁故乎此世俗妄說非事實也案

陳志豪傑歸先主者日益多表疑其心陰禦之則越唱之

譖或有之檀溪之急似七年夏五月袁紹卒子尙自領州劉表遣昭烈拒夏侯惇

于禁等于博望昭烈設伏兵一旦燒屯偽遁惇等追之伏

發大破之原注孫盛曰檀溪之事此不然之言

九年秋七月曹操克鄴遂有冀青幽并四州然大如

十二年春曹操北征烏桓昭烈說表襲許表不能用操自

柳城還表謂昭烈曰不用君言失此大會昭烈曰今天下

分裂日尋干戈事會之來豈有終極乎若能應之于後者

則此未足為恨也昭烈在荊州數年嘗于表坐起至廁慨

然流涕表怪問昭烈曰平常身不離鞍髀原注肉皆消今

不復騎髀裏肉生日月如流老將至矣而功業不建是以

悲爾謹案此段裴松之注在昭烈初歸劉表昭烈訪士于

襄陽司馬徽徽盛稱瑯邪諸葛亮昭烈三往乃得見問天

下大計亮說昭烈取荆益結好孫權與共圖操與復漢室

十三年秋八月曹操南擊劉表表病篤以州讓昭烈昭烈

不從乃託子琮焉原注英雄記表病上備領荆州刺史魏

而諸將並零落我死之後卿便攝荆州備曰諸子自賢君

其憂病或勸備宜從表言備曰此人待我厚今從其言人

必以我為薄表尋卒謹案三國志曹公南征表會表卒係

年秋七月公南征劉表八月表卒兩傳年不符琮自領州

九月操至新野琮遣吏請降于操時昭烈屯樊琮不敢告
 昭烈久之乃覺遣所親問琮琮令宋忠詣昭烈言故時操
 已在宛昭烈大驚謂忠曰卿等作事不早相語禍至乃始
 告邪引刀向忠曰今斷卿頭不足解忿亦恥大丈夫臨別
 復殺卿輩遣忠去呼部曲共議或勸昭烈攻琮荆州可得
 昭烈曰劉荆州臨亡託我以孤遺背信自濟吾所不為死
 何面目見劉荆州乎遂將其眾去過襄陽駐馬呼琮琮懼
 不能起琮左右及荆州人多歸昭烈昭烈過辭表墓泣涕
 而去比到當陽眾十餘萬輜重數千兩日行十餘里別遣
 關羽乘船數百艘使會江陵或謂昭烈曰宜速行保江陵
 今雖擁大眾被甲者少若曹操兵至何以拒之昭烈曰夫

濟大事必以人為本今人歸吾吾何忍棄去原注習鑿齒曰先主雖顛沛險難而信義愈明勢偏事危而言不失道追景升之顧

則情感三軍戀赴義之士則甘與同敗觀其所以結物情者豈徒投醪撫寒含蓼問疾而已哉其終濟大業不亦宜乎操以江陵有軍實恐昭烈

據之乃釋輜重輕軍到襄陽聞昭烈已過操將騎五千急
 追之一日一夜行三百餘里及于當陽之長阪昭烈棄妻

子與諸葛亮張飛趙雲等數十騎走操大獲其人眾輜重
 昭烈斜趨漢津適與羽船會得濟沔遇表長子江夏太守

琦眾萬餘人與俱到夏口適孫權遣魯肅弔劉表二子并
 說昭烈撫有表眾協力治操肅未至而操已濟漢故肅與

昭烈遇于當陽長阪肅達權旨致慇懃意且問昭烈曰豫
 州今欲何至昭烈曰與蒼梧太守吳巨謹案士燮及步騭傳皆作吳巨與此

合陳志作有舊欲往投之肅曰孫討虜聰明仁惠敬賢禮

士江表英豪咸歸附之已據有六郡兵精糧多足以立事

今為君計莫若自結于東共濟世業巨乃凡人偏在遠郡

行將為人所併豈足託乎昭烈甚悅遂用肅計住鄂縣之

樊口冬十月遣諸葛亮隨肅求救于孫權權遣周瑜程普

等水軍數萬與昭烈并力拒操戰于赤壁大破之焚其舟

船昭烈與周瑜諸軍水陸竝進追到南郡時又疾疫操軍

多死操乃遁歸昭烈表劉琦為荊州刺史又南征四郡武

陵太守金旋長沙太守韓元桂陽太守趙範零陵太守劉

度皆降原注三輔決錄注金旋字元機京兆人歷位黃門

郎漢陽太守徵拜議郎遷中郎將領武陵太守為

備所攻劫死子禕廬江雷緒率部曲數萬口來歸以諸葛

事見魏武本紀

亮為軍師中郎將督零陵桂陽長沙三郡調其賦稅以充

軍實以偏將軍趙雲為桂陽太守

十四年冬昭烈表孫權行車騎將軍領徐州牧會劉琦卒

權表昭烈領荊州牧周瑜為南郡太守分南岸地以給昭

烈昭烈立營于油口改名公安權稍畏之以妹妻昭烈

十五年劉表故吏士多歸昭烈昭烈以周瑜所給地少不

足以容眾冬十二月乃自詣京見權求都督荊州周瑜呂

範勸留之權不從禮遇甚盛綢繆恩紀及歸昭烈謂左右

曰孫車騎長上短下其難為下吾不可以再見之乃晝夜

兼行至公安聞瑜謀謂龐統曰天下智謀之士所見略同

孔明諫孤莫行亦慮此也孤方危急不得不往孤以仲謀

續後漢書卷二
所防在北當賴孤爲援故決意不疑爾此誠險塗殆不免
周瑜之手未幾周瑜卒魯肅代領其眾勸權以荊州借昭
烈與其拒曹操權從之權欲與昭烈共取蜀遣使來言曰
米賊張魯據巴蜀漢爲操耳目規圖益州劉璋不武不能
自守若操得蜀則荊州危矣今欲先攻取璋進討張魯西
連全蜀一統吳楚雖有十操無所憂也或以爲宜報聽許
權終不能越荆有蜀蜀地可爲已有荊州主簿殷觀進曰
若爲權先驅進未能克蜀退爲權所乘卽事去矣今但可
贊其伐蜀而說新據諸郡未可與動權必不敢越我而取
蜀如此進退在我可以收吳蜀之利昭烈從之荅權使曰
益州富強土地險阻劉璋雖弱足以自守張魯虛僞未必

盡忠于操今暴師蜀漢轉輸萬里欲戰克攻取雖吳起不
能定其規孫武不能善其事也曹操雖有無君之心而有
奉主之名議者見其失利于赤壁謂其力屈無復遠圖今
操三分天下已有其二將欲飲馬于滄海觀兵于吳會豈
可守此坐須老乎而同盟無故自相攻伐借樞于操使敵
承其隙非長策也且備與璋託爲宗室冀馮英靈以匡漢
朝今璋得罪于左右願加寬貸權不聽遣孫瑜率水軍住
夏口昭烈不聽軍過謂瑜曰汝欲取蜀吾當被髮入山不
失信于天下也使關羽屯江陵張飛屯秭歸諸葛亮據南
郡昭烈自住孱陵權不得已召瑜還遷殷觀爲別駕從事
交趾太守士燮以嶺南七郡降于孫權權以步騭爲交州

刺史盡有嶺南地
 十六年益州牧劉璋聞曹操將遣鍾繇等向漢中討張魯
 內懷恐懼別駕從事張松說璋請昭烈討魯拒操陰謀推
 戴以為州主璋然之使法正將四千人迎昭烈正因陳益
 州可取之策昭烈疑之龐統言于昭烈曰荊州荒殘人物
 殫盡東有孫權北有曹操難以得志益州國富民強戶口
 百萬四部兵馬所出必具寶貨無求于外得以為資大業
 可成也昭烈曰今指與吾為水火者曹操也操以急吾以
 寬操以暴吾以仁操以譎吾以忠每與操反事乃可成爾
 今以小利而失信義于天下奈何統曰權變之時固非一
 道所能定也且兼弱攻昧逆取順守古人所貴若事定之

虛

後封以大國何負于信今日不取終為人利爾昭烈以為

然于是厚以恩意接納正原注韋昭吳書備前見張松後

殷勤之歡因問蜀中闊狹兵器府庫人馬眾寡及諸要害
道里遠近松等具言之又畫地圖山川處所由是盡知益
州虞實案劉璋傳昭烈紀
松未嘗見昭烈吳書為妄
 乃留諸葛亮關羽等守荊州

以趙雲領留營司馬昭烈將步卒數萬入益州劉璋敕在

所供奉昭烈入境如歸前後贈遺巨億計昭烈自江州北

由墊原注徒江詣涪璋自出迎相見甚歡張松令法正白

昭烈便可于會所襲璋昭烈曰此大事也不可倉卒璋推

昭烈行大司馬領司隸校尉昭烈亦推璋行鎮西大將軍

益州牧璋增昭烈兵使擊張魯又令督白水軍昭烈并軍

三萬餘人車甲器械資貨甚盛璋還成都昭烈北到葭萌

未即討魯厚樹恩德以收眾心章數次潛謂魯曰非臣敢
十七年冬曹操伐孫權權呼昭烈自救昭烈遣使告璋曰
曹操伐吳吳憂危急孫氏與孤本為唇齒又樂進在青泥
與關羽相拒今不往救羽進必大克轉侵州界其憂有甚
于魯魯自守之賊不足慮也乃從璋求萬兵及資寶欲以
東行璋但許兵四千其餘皆給半昭烈因激怒其眾曰吾
為益州征強敵師徒勤瘁今帑藏山積而恡于功賞望士
大夫為出死力其可得乎張松書與昭烈及法正曰今大
事垂成如何釋此去乎松兄廣漢太守肅懼禍白璋發其
謀于是璋收斬松嫌隙始構矣璋敕關戍諸將文書勿復
關通昭烈昭烈大怒召璋白水軍督楊懷責以無禮斬之

謹案零陵先賢傳曰劉璋請劉備璋將楊懷數諫備悟使
人請璋子禕及懷酒酣備見懷佩匕首備出其匕首謂懷
曰將軍七首好孤亦有可得觀之懷與之備得七首謂懷
曰汝小子何敢問我兄弟之好耶懷罵言未訖備斬之
乃使黃忠卓膺勒兵向璋昭烈徑至關頭質諸將并士卒
妻子引兵與忠膺等進據涪

十八年夏五月曹操自立為魏公加九錫璋遣劉瓚冷苞

張任鄧賢吳懿謹案蜀志無吳懿二字等拒昭烈皆敗走保綿竹懿

詣軍降原注益部耆舊雜記張任蜀郡人家世寒門少有膽勇志節仕州為從事璋復遣李嚴

督綿竹諸軍嚴率眾降昭烈軍益強分遣諸將平下屬縣

諸葛亮張飛趙雲等將兵泝流定白帝江州江陽惟關羽

留鎮荊州昭烈進軍圍雒時璋子循守城被攻且一年

十九年夏張任勒兵于雁橋逆戰被禽昭烈以任忠勇欲

降之任厲聲曰老臣不復事二主矣乃殺之雒城破進圍
成都征西將軍馬超率眾來歸屯于城北城中震恐後數
十日昭烈令從事簡雍入說璋璋從雍出降蜀中殷盛豐
樂昭烈置酒大享士卒取城中金銀分賜將士還其穀帛
昭烈領益州牧諸葛亮為股肱法正為謀主關羽張飛馬
超為爪牙許靖糜竺簡雍為賓友及董和黃權李嚴等本
璋之所授用也吳懿費觀等又璋之婚親也彭羨原注餘亮反
又璋之所排擯也劉巴者宿昔之所忌恨也皆處之顯任
盡其器能有志之士無不競勸冬十一月曹操弑皇后伏
氏酖殺二皇子

二十年孫權聞昭烈取益州逐劉璋令中司馬諸葛瑾從

昭烈求荊州諸郡昭烈不許曰吾方圖涼州得涼州當以
荊州相與權大怒乃遣呂蒙襲奪長沙零陵桂陽三郡夏
五月昭烈引兵五萬下公安令關羽入益陽時曹操定漢
中張魯走巴西昭烈聞之與權連和分荊州江夏長沙桂
陽東屬南郡零陵武陵西屬引軍還江州冬十一月遣黃
權將兵迎張魯魯已降操操使夏侯淵張郃屯漢中犯暴
巴界昭烈令張飛進兵宕渠與郃等戰于瓦口郃敗走并
擊巴賚原注詳冬反破之昭烈還成都

二十一年夏四月曹操自立為魏王

二十二年春三月孫權降于曹操冬昭烈進兵漢中分遣

張飛馬超吳蘭等屯下辨又遣雷銅等入武都

謹案陳志作入成都

上云進兵漢中何有分遣他將入成都之理考華陽國志云遣將吳蘭雷銅入武都與此合志誤

二十三年春飛等皆為操兵所破昭烈次于陽平與操將夏侯淵張郃相拒

二十四年春自陽平南渡沔水緣山稍前營于定軍山謹案

陳志作於定軍山勢作營考法正傳作定軍山據通鑑也淵等

引兵來爭昭烈命黃忠乘高鼓譟攻之大破淵軍斬淵原注

陳志作斬淵郃誤謹案張郃傳淵死還陽平其後諸葛亮出祁山郃與亮軍戰飛矢中郃右脅卒故原注云陳志

作斬淵郃者誤漢中志亦云將及操所署益州刺史趙容軍黃忠斬淵容首不言張郃也

等操自長安出斜谷軍遮要以臨漢中昭烈曰曹操雖來無能為也我必有漢川矣及操至昭烈斂眾拒險終不交

鋒相守積月操軍亾者日多乃引軍出翊軍將軍趙雲擊

敗之夏操遁還長安昭烈遂有漢中遣劉封孟達李平等

攻申耽于上庸耽舉郡降秋七月羣下上昭烈為漢中王

表于帝曰平西將軍都亭侯臣馬超左將軍領長史鎮軍

將軍臣許靖營司馬臣龐羲議曹從事中郎軍議中郎將

臣射援原注三輔決錄注援字文雄扶風人也其先本姓謝與北地諸謝同族始祖謝服為將軍出征天子

以謝服非令各改為射子孫氏焉兄堅字文固少有美

辟公府為黃門侍郎獻帝之初三輔饑亂堅去官與弟援

南入蜀依劉璋璋以堅為長史劉備代璋以堅為廣漢蜀

郡太守援亦少有名行太尉皇甫嵩賢其才而以女妻之

丞相諸葛亮以援為祭軍師將軍臣諸葛亮盪寇將軍漢

壽亭侯臣關羽征虜將軍新亭侯臣張飛征西將軍臣黃忠鎮遠將軍臣賴恭揚武將軍臣法正興業將軍臣李嚴

等一百二十人上言曰昔唐堯至聖而四凶在朝原注尙書舜流

共工于幽州放驩兜于崇山竄三苗于三危殛鯀于羽山四罪而天下咸服左氏傳舜臣堯流四凶族

仁賢而四國作難原注史記成王少周公攝政當國管叔蔡叔霍叔與殷武庚作亂周公東征殺

武庚管叔放蔡叔霍叔以高后稱制而諸呂竊命原注漢書呂后

微子啟代殷後國于宋高后稱制而諸呂竊命原注漢書呂后

以周呂侯子台為呂王台弟產為梁王相國建成侯釋之子祿為趙王上將軍各領南北軍呂后崩祿產因謀作亂

太尉勃與朱虛侯章等共孝昭幼冲而上官逆謀原注漢書孝昭

上官皇后上官安之女也安父桀為左將軍與霍光皆受遺詔輔少主昭帝立安女為皇后以安為車騎將軍桀安

遂與燕王旦謀殺霍光因皆馮世寵藉履國權窮凶極亂廢帝立桀事覺皆伏誅

社稷幾危非大舜周公朱虛博陸則不能流放禽討安危定傾伏惟陛下誕姿聖德統理萬邦而遭危運不造之艱

董卓首難蕩覆京畿曹操階禍竊執天衡皇后太子鳩殺見害剝亂天下殘毀民物久令陛下蒙塵憂厄幽處虛邑

人神無主遏絕王命厭味皇極欲盜神器左將軍領司隸校尉豫荆益三州牧宜城亭侯備受朝爵秩念在輸力以

殉國難覩其機兆赫然憤發與車騎將軍董承同謀誅操將安國家克寧舊都會承機事不密令操游魂得遂長惡

殘泯海內臣等每懼王室大有閭樂之禍原注史記二世

高使其婿咸陽令閻樂將吏卒千餘人入宮前即二世數日足下驕恣誅殺無道天下共畔足下其自為計麾

其兵進二小有定安之變原注漢書平帝崩立宣帝元孫嬰為皇太子號曰孺子安漢公

莽居攝踐阼稱攝皇帝及莽即真天子位封嬰為定安公救阿乳母不得與語常在四壁中至于長大不能名六畜

夙夜惴惴戰慄累息昔在虞書敦敘九族周監二代封建同姓詩著其義歷載長久漢興之初割裂疆土尊王子弟

是以卒折諸呂之難而成太宗之基臣等以備肺腑枝葉

是以卒折諸呂之難而成太宗之基臣等以備肺腑枝葉

是以卒折諸呂之難而成太宗之基臣等以備肺腑枝葉

是以卒折諸呂之難而成太宗之基臣等以備肺腑枝葉

宗子藩翰心存國家念在弭亂自操破于漢中海內英雄
 望風蟻附而爵號不顯九錫未加非所以鎮衛社稷光昭
 萬世也奉辭在外禮命斷絕昔河西太守梁統等值漢中
 興限于山河位同權均不能相率咸推竇融以為元帥卒
 立效績摧破隗囂原注後漢書更始以竇融為張掖屬國都尉酒泉太守梁統等推融行河西五郡大將軍事遣使奉書獻馬于光武率步騎數萬與大軍會高平共破隗囂與五郡太守詣維陽上涼州牧安豐侯印綬拜冀州牧遷大司空今社稷之難急于隴蜀操外吞天下內殘羣
 寮朝廷有蕭牆之危而禦侮未建可為寒心臣等輒依舊
 典封備漢中王拜大司馬董齊六軍糾合同盟掃滅凶逆
 以漢中巴蜀廣漢犍為為國所署置依漢初諸侯王故典
 夫權宜之制苟利社稷專之可也然後功成事立臣等退

伏矯罪雖死無恨遂于沔陽設壇場陳兵列眾羣下陪位
 讀奏訖御王冠于昭烈昭烈上言于帝曰臣以具臣之才
 荷上將之任董督三軍奉辭于外不能掃除寇難靖匡王
 室久使陛下聖教陵遲六合之內否而未泰惟憂反側疚
 如疾首曩者董卓造為亂階自是之後羣兇縱橫殘剝海
 內賴陛下聖德威靈人神同應或忠義奮討或上天降罰
 暴逆並殪以漸冰消惟獨曹操久未梟除侵擅國權恣心
 極亂臣昔與車騎將軍董承圖謀討操機事不密承見陷
 害臣播越失據忠義不果遂使操窮凶極逆主后戕弑皇
 子鳩害雖糾合同盟念在奮力懦弱不武歷年未效常恐
 殞歿孤負國恩寤寐永歎夕惕若厲今臣羣寮以為在昔

虞書敦敘九族庶明勵翼五帝損益此道不廢周監二代
 竝建諸姬實賴晉鄭夾輔之福原注左氏傳昔武王克商
 有五人姬姓之國者四十人皆舉親也史記夫戎高祖龍
 殺幽王晉文侯鄭武公立故太子宜臼是為平王
 與尊王子弟大啟九國原注漢書諸侯王表九國燕
 代齊趙梁楚吳淮南長沙也卒斬
 諸呂以安太宗今操惡直醜正實繁有徒包藏禍心篡竊
 已顯既宗室微弱帝族無位斟酌古式依假權宜上臣大
 司馬漢中王臣伏自三省受國厚恩荷任一方陳力未效
 所獲已過不宜復忝高位以重罪謗羣寮見逼迫臣以義
 臣退惟寇賊不梟國難未已宗廟傾危社稷將墜誠臣憂
 責碎首之負謹案誠臣憂責
 誠今志作成若應權通變以寧靖聖朝雖
 赴水火所不得辭敢慮常宜以防後悔輒順眾議拜受印

璽以崇國威仰惟爵號位高寵厚俯思報效憂淡責重驚
 怖累息如臨于谷盡力輸誠獎勵六師率齊羣義應天順
 時撲討凶逆以寧社稷以報萬分謹拜章因驛上還所假
 左將軍宜城亭侯印綬于是還治成都拔魏延為都督鎮
 漢中起館舍築亭障從成都至白水關四百餘區時關羽
 攻曹操將曹仁殺龐德禽于禁于樊孫權與曹操牋請討
 羽自效遂令呂蒙取荊州羽師潰死之
 二十五年春曹操卒曹丕自為魏王秋七月將軍孟達上
 庸太守申耽叛降于丕副軍中郎將劉封伏誅冬十一月
 丕廢帝為山陽公遂稱尊號
 章武元年春三月蜀中傳言獻帝已遇弒王乃發喪制服

諡曰孝愍皇帝是後在所竝言符瑞故議郎陽泉侯劉豹
 青衣侯向舉偏將軍張裔黃權大司馬屬殷純益州別駕
 從事趙祚治中從事楊洪從事祭酒何宗議曹從事杜瓊
 勸學從事張奭尹嘽譙周等謹案顧炎武曰知錄曰譙周傳建興中丞相亮領益州牧
命周為勸學從事而先主未稱尊號即有勸學從事張奭尹嘽譙周等上言前後不同案周卒于晉泰始六年年七十二而昭烈即位之年僅二十有三未必與勸進之列從本傳為是上言臣聞河圖雜書
 五經讖緯孔子所甄驗應自遠謹案雜書甄曜度曰赤三
 日德昌九世會備合為帝際雜書寶號命曰天度帝道備
 稱皇以統握契百成不敗雜書錄運期曰九侯七傑爭命
 民炊骸道路籍籍履人頭誰使主者元且來孝經鉤命決
 錄曰帝三建九會備臣父羣未亾時言西南數有黃氣直

立數丈見來積年時時有景雲祥風從璿璣下來應之此
 為異瑞又二十二年中數有氣如旗從西竟東中天而行
 圖書曰必有天子出其方加是年太白熒惑填星常從歲
 星相追近漢初興五星從歲星謀歲星主義漢位在西義
 之上方故漢法常以歲星候人主當有聖主起于此州以
 致中興時許帝尚存故羣下不敢漏言頃者熒惑復追歲
 星見在胃昴畢昴畢為天綱經曰帝星處之眾邪消亾聖
 諱豫覩推揆期驗符合數至若此非一臣聞聖王先天而
 天不違後天而奉天時故應際而生與神合契願大王應
 天順民速即洪業以寧海內太傅許靖安漢將軍糜竺軍
 師將軍諸葛亮太常賴恭光祿勳黃權少府王謀等上言

曹丕篡弑湮滅漢室竊據神器劫迫忠良酷烈無道人鬼忿毒咸思劉氏今上無天子海內惶惶靡所式仰羣下前後上書者八百餘人咸稱述符瑞圖讖明徵間黃龍見武陽赤水九日乃去孝經援神契曰德至淵泉則黃龍見龍者君之象也易乾九五飛龍在天大王當龍升登帝位也又前關羽圍樊襄陽襄陽男子張嘉王休獻玉璽璽潛漢水伏于淵泉暉景燭耀靈光徹天夫漢者高祖本所起定天下之國號也大王襲先帝軌迹亦興于漢中也今天子玉璽神光先見璽出襄陽漢水之末明大王承其下流授與大王以天子之位瑞命符應非人力所致昔周有烏魚之瑞原注史記武王渡河白魚入于王舟有火自咸曰休上復于下至王屋流為烏其色赤其聲魄云

哉二祖受命圖書先著以為徵驗今上天告祥羣儒英俊竝進河雒孔子讖記咸悉具至伏惟大王出自孝景皇帝中山靖王之胄本枝百世乾祇降祚聖姿碩茂神武在躬仁覆積德愛人好士是以四方歸心焉考省靈圖啟發讖緯神明之表名諱昭著宜即帝位以纂二祖紹嗣昭穆天下幸甚臣等謹與博士許慈議郎孟光建立禮儀擇令辰上尊號王乃即皇帝位于成都武擔之南原注蜀本紀成都女子顏色美好蓋山精也蜀王娶以為妻不習水土疾病欲歸國蜀王畱之無幾物故蜀王發卒之武都擔土于成都郭中葬蓋地數畝高十丈號曰武擔也裴松之曰武冊擔山名在成都西北蓋以乾位在西北故就之以即阼冊曰惟建安二十六年四月丙午皇帝備敢用元牡昭告皇天上帝后土神祇漢有天下歷數無疆曩者王莽篡盜光

武皇帝震怒致誅社稷復存今曹操阻兵安忍戮殺主后
 滔天泯夏罔顧天顯操子丕載其凶逆竊居神器羣臣將
 士以為社稷隳廢備宜修之嗣武二祖恭行天罰備雖否
 德懼忝帝位詢于庶民外及蠻夷君長僉曰天命不可以
 不答祖業不可以久替四海不可以無主率土式望在備
 一人畏天明命又懼漢邦謹案漢高祖諱邦昭烈即位冊文不應直書漢邦疑作漢祚為
 是將溷于地謹擇元日與百寮登壇受皇帝璽綬修燔瘞
 告類于天神惟神享祚于漢家永綏四海原注魏書備聞曹公薨遣掾韓
 冉奉書弔并致賻贈之禮文帝惡其因喪求好敕荆州刺
 史斬冉絕使命典略備遣軍謀掾韓冉齋書弔并貢錦布
 冉稱疾住上庸上庸致其書適會受終有詔報荅以引致
 之備得報書遂稱制此皆魏自夸之辭非實事也昭烈與
 操不共戴天方討賊復漢豈弔喪致貢與修好乎夏四月大赦改元以諸葛亮為

丞相許靖為司徒置百官立宗廟祫祭高皇帝以下原注裴松
 之曰先主雖云出自孝景而世數悠遠昭穆難明既紹漢
 祚不知以何帝為元祖以立親廟于時英賢作輔儒生在
 官宗廟制度必有憲章而載記闕略良可恨哉五月立皇后吳氏子禪為皇太子
 六月立子永為魯王理為梁王帝忿孫權之附操襲殺關
 羽欲親討權趙雲等諫不聽令車騎將軍張飛將兵先出
 閬中盜殺飛以其首奔權秋七月帝東征權權遺書請和
 帝不許權令陸遜督朱然等拒帝八月權復遣使降魏魏
 封權為吳王曹氏始稱魏與為列國也陸遜李異劉阿等
 屯巫秭歸將軍吳班馮習自巫攻破異等軍次秭歸武陵
 五谿蠻夷遣使請兵
 二年春正月帝引軍還秭歸將軍吳班陳式以水軍屯夷

陵夾江東西岸二月帝自秭歸率諸將進軍緣山絕嶺于夷道原注許交反 亭駐營自恨原注音恆 山通武陵遣侍中馬良

安慰五谿蠻夷咸相率響應鎮北將軍黃權督江北諸軍與遜軍相拒于夷陵道夏六月黃氣見自秭歸十餘里中

廣數十丈後十餘日陸遜大破諸軍于猗亭馮習張南死之帝自猗亭收合離散棄船由步道還魚復將軍傅彤殿

後死之改魚復縣曰永安遜遣將軍李異劉阿等踵躡漢軍屯駐南山秋八月收兵還巫帝大慙恚曰吾乃為陸遜

所折辱豈非天邪黃權在江北不得還率眾降魏司徒許靖薨原注諸王三公丞相大將軍大司馬皆書薨 孫權聞帝住白帝甚懼遣使

請和帝許之遣太中大夫宗瑋報命冬十二月漢嘉太守黃元聞帝不豫舉兵叛

三年春二月丞相亮自成都至永安原注凡漢丞相大將軍大司馬皆以官冠

名尊之也吳魏則並書姓名降殺也 三月將軍陳弼原注音笏 獲黃元斬之帝病

篤託孤于丞相亮尚書令李嚴為副敕太子曰朕初疾但下痢爾後轉雜他病殆不自濟人五十不稱天朕年已六

十有餘何所復恨但以卿兄弟為念爾射君到說丞相歎卿智量甚大增修過于所望審能如此吾復何憂勉之勉

之勿以惡小而為之勿以善小而不為謹案賈誼新書審微篇云善不可謂

小而無益不善不可謂小 惟賢惟德可以服人汝父德薄而無傷語意正與此同 不足效也汝與丞相從事事之如父夏四月癸巳帝崩于永安宮年六十三

原注陳壽評曰先主之宏毅寬厚知人待士蓋有高祖之風焉及其舉國託孤

于諸葛亮而心神無二誠君臣之至公古今之盛軌也凡
 陳志評與本議不同而有義理者則載本傳下蔑劣不成
 章者則皆略去云 義例曰天子曰崩諸侯曰薨大夫曰
 卒史漢因之太上皇皇帝太后皇后皆書崩皇子諸王妃
 夫人公侯大臣皆書薨百官羣寮皆書卒壽以魏為正統
 一用此例而漢昭烈書殂吳大帝書薨其餘臣僚皆曰卒
 通鑑因之漢吳主皆書殂例也今更漢從正統例而魏
 吳臣主皆書卒如春秋書諸侯曰卒從大夫之例云 亮
 上言于末帝曰伏惟大行皇帝原注天子崩未邁仁樹德
 覆燾無疆昊天不弔寢疾彌留今月二十四日奄忽升遐
 臣妾號咷若喪考妣乃願遺詔事惟大宗動容損益百寮
 發哀滿三日除服到葬期復如禮其郡國太守相都尉縣
 令長三日便除服臣亮親受敕戒震畏神靈不敢有違臣
 請宣下奉行五月梓宮自永安還成都諡曰昭烈皇帝秋
 八月葬惠陵

議曰原注義例曰初孔子贊易序詩書皆別為篇載于本
 得失之際則載斷辭曰書曰故書不書君子曰或當世諸
 人之論與本文錯置然經自經傳自傳猶存古制也及司
 馬遷作史記于帝紀表書世家列傳作序及論皆稱太史
 公曰其終篇則有自序及敘傳以韻語敘斷諸人行事與
 本史錯置班固作漢書其序則即其文序下其論則曰贊
 或載其父之言則曰任城掾班彪曰其終亦有敘傳後世
 謂之史述贊亦與本史錯置范氏後漢書其序遵固法而
 更贊曰論亦或援引其先世及諸人之言更敘傳曰贊置
 于論之後而序論贊各自為篇載于正史後復古制也至
 唐章懷太子賢始錯置如史漢陳壽三國志更論曰評而
 不作贊今既改作參用後漢三國晉宋以來諸儒論議故
 改評曰議其援引諸人書名而不書官插入本議而斷以
 己意亦錯置正史間不復 三王家天下其子若孫與其族
 屬傳繼紹復則統紀在焉不幸而草竊間貳攘奪叨據終
 非其有故羿浞割夏則少康興原注左氏傳昔夏之方衰
 夏民以代夏政而用伯明氏之子寒浞浞殺羿烹之以食
 其子子不忍食殺于窮門浞因羿室生澆及豷使澆滅斟
 宜稼堂叢書

灌氏及斟鄩氏而相為澆所滅后緡歸于有仍生少康有
夏之臣靡自有鬲收二國之燼以滅澆而少康復國
澆于過后杼滅葢于戈按史記仲康崩子帝相立中間
歷后羿寒浞二世凡篡夏四十有二年而少康復國
我斃周則平王立原注史記幽王嬖愛褒姒生子伯服廢

服為太子申后申侯女也申侯怒與緡西夷犬戎攻幽王
殺幽王驪山下於是諸侯乃即申侯怒與緡西夷犬戎攻幽王
為平王東吳楚僭號諸侯不王孔子作春秋加王于正以
遷于洛邑

大一統原注吳本伯爵後僭稱王楚本男爵後僭稱王春
秋皆貶而稱子公羊傳何言乎王正月大一統也

歷五伯迄顯赧二周王室餘七邑原注五伯齊桓公晉文

王考王封其弟于河南是為桓公卒子威公立卒子惠公
立是謂西周公惠公封其少子於鞏號東周公王赧時東
西周分治而王赧都西周秦滅東西周比匹天下羣起而

稱王稱帝原注六國皆稱王秦周之統自若也漢得天統

莽篡而在光武操竊而在昭烈魏吳雖僭猶夫吳楚也昭

烈天資仁厚宇量宏毅歸然一世之雄以興復漢室為己

任崎嶇百折債而益堅顛沛之際信義逾明故能終繫景

命信大義于天下任賢使能洒落誠盡使諸葛亮以死自

效復見三代君臣高光為不匹矣國賊未討境土未復而

債軍崩殂哀哉

贊曰於赫漢道滅于闔醜運踰百六載罹陽九原注漢書

陰陽災三統閏法易九疇曰初入元百六陽九次三百七

十四陰九次四百八十陽九次七百二十陰七次七百二

十陽七次六百陰五次六百陽五次四百八十陰三次四

百八十陽三凡四千六百一十七歲與一元終經歲四千

歲五十七災裂土分曜牽樞解紐兇婪詐慝攘據叨有嚴
翼昭烈仁誠迪哲宏我炎正桓桓秉鉞纂高系光討賊立
國權競請盟不豈其敵燕南三士原注關羽隆中一賢原

諸葛亮左提右挈百折彌堅崦嵫返照騰輝揭天皇矣帝統既絕復傳

續後漢書卷第二

元郝經撰

續後漢書卷第三

帝紀第二

義例曰末帝繼昭烈在位四十餘年為魏所滅降封安樂公而終于晉諡曰思陳壽三國志稱昭烈為先主故稱帝為後主通鑑稱漢主目錄稱安樂思公晉謂孫皓為後主歸命侯隋謂陳帝為後主長城公是也綱目雖正其統體更先主為昭烈皇帝仍曰後主則昭烈先主也有未安者今正其位號而無諡劉元海雖諡曰孝懷皇帝偏霸不可諡正統之帝故不從案歐陽修五代史梁亾而均王無諡稱末帝今漢亾而帝亦無諡故更後主為末帝云

末帝

末帝諱禪字公嗣母曰甘皇后建安十二年生于荊州二十四年昭烈為漢中王立為王太子及即皇帝位立為皇

太子冊曰惟章武元年五月辛巳皇帝若曰太子禪朕遭漢運艱難賊臣篡盜社稷無主格人羣正以天明命朕繼大統今以禪為皇太子以承宗廟祇肅社稷使使持節丞相亮授印綬敬聽師傅行一物而三善皆得焉原注禮記三善皆得者世子而已其齒于學之謂也鄭元曰物猶事也可不勉與三年夏四月昭烈崩于永安宮五月帝即皇帝位于成都年十七原注魚

初備在小沛不意曹公卒至遑遽棄家屬後奔荆州禪時年數歲竄匿隨人西入漢中為人所賣及建安十六年關中破亂扶風人劉括避亂入漢中買得禪問知其良家子遂養為子與娶婦生一子初禪與備相失時識其父字元德比舍人有姓簡者及備得益州而簡為將軍備遣簡到漢中舍都郵禪乃詣簡相檢訊事皆符驗簡喜以語張魯魯乃洗浴送至益州備乃立以為太子初備以諸葛亮為太子太傅及禪立以亮為丞相委以諸事謂亮曰政由葛氏祭則寡人亮亦以禪未閑于政遂總內外裴松之曰二主如子傳曰後主生于荆州後主傳云初即帝位年十七

則建安十二年生也十三年敗于長阪備棄妻子走趙雲傳曰雲身抱弱子以免即後主也如此備與禪未嘗相失也又諸葛亮以禪立之明年領益州牧其年與主簿杜微書曰朝廷今年十八與禪傳相應理當非虛而魚豢云備敗于小沛禪時始生及奔荆州能識其父字元德計當五六歲備則敗于小沛時建安五年也至禪初立首尾二十四年禪應過三十矣以事相驗理不得然此則魏略之妄說乃至二百餘言異也又按諸書記及諸葛亮集亮亦不為太子太傅尊皇后曰皇太后大赦改元建興以丞相亮領益州牧南中四郡皆叛秋八月遣尙書郎鄧芝修好于吳孫

權遂絕魏與漢原注孫氏始稱吳與其國也立皇后張氏

二年夏吳使輔義中郎將張溫來聘復遣鄧芝報之

三年春三月丞相亮南征秋七月亮討雍闓原注音愷斬之遂

平四郡十二月亮還成都

四年春都護李嚴自永安移屯江州築大城原注裴松之曰今巴郡故

城留護軍陳到駐永安夏五月曹丕卒子叡立

原注凡魏吳二主卒

立與凡特稱皆書姓名漢之僭偽不成其為君也其君臣皆書卒而無別略也

五年春三月丞相亮出屯漢中以討魏詔曰朕聞天地之道福仁而禍淫善積者昌惡積者亾古今常數也是以湯武修德而王桀紂極暴而滅曩者漢祚中微網漏凶慝董卓造難震蕩京畿曹操階禍竊執天衡殘剝海內懷無君之心子丕孤豎敢尋亂階盜據神器更姓改物世濟其凶當此之時皇極幽昧天下無主則我帝命隕越于下昭烈皇帝體明叡之德光演文武應乾坤之運出身平難經營四方人鬼同謀百姓與能兆民欣戴奉順符讖建位易號丕承天序補弊興衰存復祖業誕膺皇綱不墜于地萬國

未定

謹案志注作未靜宋本作未定與此合

早世遐殂朕以幼沖繼統洪基

未習師保之訓而嬰祖宗之重六合壅否社稷不建永惟

所以念在匡救光載前緒未有攸濟朕甚懼焉是以夙興

夜寐不敢自逸每崇

謹案志注崇作從毛本作崇與此合

菲薄以益國用勸

分務稽以阜民財授方任能以參其聽斷私降意以養將

士欲奮劔長驅指討凶逆朱旗未舉而丕已殞喪斯所謂

不然我薪而自焚也殘類餘醜又支天禍恣睢

原注香萃反

河

洛阻兵未弭諸葛丞相**宏**毅忠壯忘身憂國先帝託以天

下以勗朕躬今授之以旄鉞之重付之以專命之權統領

步騎二十餘萬董督元戎龔行天罰除患寧亂克復舊都

在此行也昔項籍總一疆眾跨州兼土所務者大然卒敗

垓下死于東城宗族如焚為笑千載皆以不義陵上虐下
 故也原注史記太史公曰項羽乘勢拔起隴畝之中三年
遂將五諸侯兵滅秦分裂天下而封王侯政由羽出
號為伯王位雖不終近古以來未嘗有也及羽背關懷楚
放逐義帝而自立怨王侯畔已難矣自矜功伐奮其私智
而不師古謂伯王之業欲以力征經營天下五年卒其
國身死東城向不覺寤而不自責過矣迺引天亡我非用
兵之罪也今賊效尤天人所怨奉時宜速庶憑炎精祖宗
 威靈相助之福所向必克吳王孫權同恤災患潛軍合謀
 掎角其後涼州諸國王各遣月支康居胡侯支富康植等
 二十餘人詣授節度大軍北出便欲率將兵馬奮戈先驅
 天命既集人事又至師貞勢并必無敵矣夫王者之兵有
 征無戰尊而且義莫敢抗也故鳴條之役軍不血刃牧野
 之師商人倒戈今旂麾首路其所經至亦不欲窮兵極武

有能棄邪從正簞食壺漿以迎王師者國有常典封寵大
 小各有品限及魏之宗族支葉中外有能規利害審逆順
 之數來詣降者皆原除之昔輔果絕親于智氏而蒙全宗
 之福原注戰國策智伯與韓魏圍趙襄子于晉陽張孟談
陰見韓魏之君曰智伯伐趙趙亡則二君為之次二
君乃與孟談陰約夜遣人入晉陽智果見二君說智伯曰
二主色動而變必背君矣不如殺之智伯曰不可智果出
易姓為微子去殷項伯歸漢皆受茅土之慶原注史記微
輔氏聽乃持其祭器奔周周公誅武庚立微子于宋以續殷後
漢王以魯公禮葬項王于穀城封項伯等四人皆為列
侯賜姓此前世之明驗也若其迷沈不反獎助亂人不式
 劉氏
 王命戮及妻孥罔有攸赦廣宣恩威誅其元惡弔其殘民
 他如詔書律令丞相其露布天下使稱朕意焉孟達復以
 新城來歸

六年春魏將司馬懿陷新城孟達死之丞相亮伐魏攻祁

山天水南安安定皆舉郡降參軍馬謖原注所及魏將張

郃戰于街亭敗績馬謖伏誅亮請自貶詔以亮為右將軍

行丞相事冬亮復出散關圍陳倉斬魏將王雙

七年春右將軍亮伐魏拔武都陰平二郡復拜丞相夏五

月孫權稱帝改元黃龍遣使以竝尊二帝來告詔遣衛尉

陳震賀之權與震盟約中分天下豫青徐幽屬吳兗冀并

梁屬漢司州之土以函谷關為界冬亮徙府營于南山下

原上築漢樂二城

八年秋魏將曹真等入寇丞相亮次于城固赤阪魏師還

丞相司馬懿延敗魏雍州刺史郭淮于陽谿徙魯王永為

甘陵王梁王理為安平王以魯梁在吳分界故也

九年春二月丞相亮伐魏圍祁山三月亮敗魏將郭淮于

上邽夏六月亮擊魏將司馬懿于鹵城大敗之殺其將張

郃秋八月中都護李平有罪廢徙梓潼郡

十年春丞相亮休兵于黃沙

十一年冬丞相亮使諸軍運米集斜谷口治斜谷邸閣南

夷劉胄反將軍馬忠討之

十二年春二月丞相亮約吳大舉伐魏三月孝獻皇帝崩

于山陽夏四月亮進軍渭南魏將司馬懿引兵拒守亮軍

于五丈原分兵屯田秋八月亮薨于軍前軍師魏延作亂

丞相長史楊儀擊斬之率諸軍還成都初大赦原注几故所未有特

為者皆書初非推本之初也以左將軍吳懿為車騎將軍假節督漢中

以丞相留府長史蔣琬為尚書令總統國事原注凡尚書令季漢政本

所在故拜免皆書遣中郎將宗預使吳

十三年春正月中軍師楊儀有罪廢徙漢嘉郡夏四月以

蔣琬為大將軍錄尚書事費禕為尚書令

十四年夏四月帝至湔原注裴松之曰湔縣名屬蜀郡音翦登觀阪看汶水

之流旬日還成都武都氏王符健降徙氏民四百餘戶于

廣都

十五年秋七月皇后張氏崩

延熙元年春正月立皇后張氏大赦改元立子璿為皇太

子子瑤為安定王冬十一月大將軍琬出屯漢中詔曰寇

難未弭曹叡驕凶遼東三郡苦其暴虐遂相糾結與之離

隔叡大興眾役還相攻伐暴秦之匹勝廣首難今有此變

斯乃天時君其治嚴總帥諸軍屯住漢中須吳舉動東西

掎角以乘其釁

二年春正月曹叡卒子芳立夏以大將軍琬為大司馬

三年春越嶲原注音髓蠻夷叛太守張嶷討平之

四年夏大司馬琬徙屯涪

五年春正月監軍姜維督偏軍自漢中徙屯涪

六年冬十月遣前監軍王平督漢中十一月大赦以尚書

令費禕為大將軍錄尚書事

七年春三月魏曹爽夏侯元等寇漢中鎮北大將軍王平

拒興勢圍閏月

謹案閏月毛本作閏二月此書在春三月後當是閏三月

大將軍禕擊

爽于三嶺魏師敗走夏四月安平王理薨秋九月以大將

軍禕領益州刺史侍中董允為尚書令

八年秋八月皇太后吳氏崩冬十一月大司馬琬薨

謹案蜀志

蔣琬卒在九年冬十一月查琬傳亦云至九年薨此書在八年誤

十二月尚書令董允卒

尚書呂乂為尚書令宦者黃皓為中常侍大將軍禕至漢

中行圍守

九年夏六月大將軍禕還成都秋大赦以涼州刺史姜維

為衛將軍與大將軍禕竝錄尚書事

原注魏略琬卒禕乃自攝國事未帝即位

年已十七即臨政使諸葛亮南征北伐故亮將出師言未

帝當親賢而遠小人宮中府中俱為一體陟罰臧否不宜聽政亮其為是言哉魏略之語殆不其然

十年春涼州胡王白虎文治無戴等率眾降衛將軍姜維

居之于繁縣汶山平康夷反維平之帝數出遊觀增廣聲

樂太子家令譙周諫不聽

十一年夏五月大將軍禕出屯漢中秋涪陵屬國民夷反

車騎將軍鄧芝討平之

十二年春正月魏司馬懿殺曹爽夏侯霸來奔夏四月大

赦秋衛將軍姜維伐魏攻雍州不克將軍句安李韶叛降

魏

十三年冬衛將軍姜維伐魏攻西平不克

十四年夏大將軍禕還成都冬復北駐漢壽大赦尚書令

呂乂卒以陳祗守尚書令

十五年夏四月孫權卒子亮立立子琮為西河王
十六年春正月盜殺大將軍禕謹案陳志為魏降人郭夏循所殺此據綱目書盜
四月衛將軍姜維伐魏圍狄道不克

十七年春正月大赦夏六月衛將軍姜維復出隴西伐魏

秋七月魏司馬師廢其主芳為齊王立丕孫髦原注稱主者正其號

以罪師也冬十月姜維拔狄道河間謹案後漢書地理志隴西郡有河關而無河間此仍

陳志之訛姜維傳俱同臨洮三縣民居于縣竹繁縣維與魏將徐質

戰于河間敗績盪寇將軍張疑死之

十八年夏衛將軍姜維復率諸軍出狄道伐魏秋八月維

及魏雍州刺史王經戰于洮西大破之遂圍狄道

十九年春以姜維為大將軍秋七月大將軍維伐魏及魏

將軍事立子瓚為新平王大赦八月魏會平諸軍之於中

將鄧艾戰于段谷敗績維請自貶詔以維為後將軍行大

將軍事立子瓚為新平王大赦

二十年冬十二月後將軍維伐魏出駱谷次于芒水大赦

景耀元年春後將軍維還成都復拜大將軍史官言景星

見于是大赦改元宦人黃皓始專政冬十月吳孫綝原注正林

反廢其主亮為會稽王立權次子休大將軍維徹漢中諸

圍兵退屯漢壽守漢樂二城大舉入家縣表數式古軍

二年夏六月立子諶為北地王恂為新興王虔為上黨王

秋八月尚書令陳祗卒以董厥為尚書令諸葛瞻為僕射

三年春正月魏司馬昭弒其主髦立燕王曹宇之子奐秋
九月追諡故將軍關羽張飛馬超龐統黃忠

四年春三月追諡故將軍趙雲冬十月大赦以董厥爲輔
國大將軍諸葛瞻爲都護衛將軍共平尙書事以樊建爲
尙書令

五年春正月西河王琮薨大將軍維伐魏及魏將鄧艾戰
于侯和敗績還住沓中魏謀大舉入寇維表遣左右車騎
張翼廖化督諸軍分護陽安關口及陰平之橋頭黃皓信
巫鬼謂敵終不自致啟帝寢其事

炎興元年春詔立故丞相亮廟于沔陽秋八月魏將鄧艾
鍾會諸葛緒數道入寇遣左右車騎將軍張翼廖化輔國
大將軍董厥等拒之大赦改元九月鍾會率諸軍之漢中
使將軍李輔圍王含于漢城護軍荀愷圍蔣斌于樂城會

徑趨陽安關口守將傅僉死之大將軍維逆戰敗走與廖
化張翼董厥合兵守劔閣以拒會冬十月鄧艾自陰平趨
涪至江油守將馬邈降艾衛將軍諸葛瞻及鄧艾戰于緜
竹敗績及其子尙皆死之艾之成都帝用譙周策降于艾
奉書曰限分江漢遇值淡遠階緣謹案原本作階緣毛本蜀志作階緣文義較順
今據蜀土斗絕一隅干運犯冒漸苒厯載遂與京畿攸隔

萬里每維黃初中文皇帝命虎牙將軍鮮于輔宣溫密之
詔申三好之恩開示門戶大義炳然而否聽暗弱竊貪遺
緒俛仰累紀未率大教天威旣震人鬼歸能謹案陳志歸能下有之數

二字疑衍怖駭王師神武所次敢不革面順以從命輒敕羣帥
投戈釋甲官府帑藏一無所毀百姓布野餘糧栖畝以俟

後來之惠全元元之命伏惟大魏布德施化宰輔伊周舍
 覆藏疾謹遣私署侍中張紹光祿大夫譙周駙馬都尉鄧
 良奉齋印綬請命告誠敬輸忠款存亡敕賜惟所裁之輿
 櫬在近不復縷陳北地王諶不降死之紹良與艾相遇于
 維縣艾即報曰王綱失道羣英竝起龍戰虎爭終歸真主
 此天命去就之道也自古聖帝爰逮漢魏受命而王者莫
 不在乎中土河出圖雒出書聖人則之以興洪業其不由
 此未有不顛覆者也隗囂馮隴而亾公孫述據蜀而滅原注
後漢書建武六年隗囂使王元據隴坻遣使稱臣于公孫
述述以囂為朔寧王九年囂死王元立囂子純為王明年
周琮等將純降建武元年公孫述僭號
號成家十二年吳漢克成都滅公孫述
 此皆前世覆車
 之鑒也聖上明哲宰相忠賢將比隆黃軒侔功前代銜命

來征思聞嘉響果煩來使告以德音此非人事豈天啟哉
 昔微子歸周實為上賓君子豹變義存大易來辭謙沖以
 禮輿櫬皆前哲歸命之典也全國為上破國次之自非通
 明智達何以見王者之義乎遣紹良先還帝又遣太常張
 峻益州別駕汝超受節度遣太僕蔣顯敕大將軍維等降
 又遣尙書郎李虎送士民簿領戶二十八萬男女口九十
 四萬帶甲將士十萬二千吏四萬人謹案通典曰蜀後主
鄉公景元四年歲次癸未是歲魏滅蜀至晉武帝太康元
年歲次庚子凡十八年戶增九十八萬六千三百八十一
口增八百四十九萬九千八百八十二則當三國鼎峙之時天
下通計戶四十七萬三千四百三十三口七百六十七萬
二千八百八十一以
奉三主斯以勤矣
 米四十餘萬斛金銀各二千斤錦綺
 綵絹各二十萬匹艾至城北帝與櫬自縛詣軍門艾解縛

焚櫬延請相見

原注晉諸公贊劉禪乘騾車詣艾不具匹國之禮

承制拜帝為驃

騎將軍諸圍守悉被帝敕降大將軍維率諸將降于鍾會

艾居帝于故宮資嚴未發

二年

謹案通鑑綱目炎興元年冬十月帝出降漢次年書魏咸熙元年炎興無二年此稱二年與綱目不合

考劉封廖化諸傳仍作咸熙元年益知此書炎興二年者在郝經亦非定論矣春正月艾見收鍾

會自涪至成都作亂將軍胡烈等討斬之太子璿大將軍

維并遇害帝舉家東遷至雒陽降封帝為安樂縣公策命

之曰惟景元五年三月丁亥皇帝臨軒使太常嘉命劉禪

為安樂縣公於呼其進聽朕命蓋統天載物以咸寧為大

光宅天下以時雍為盛故孕育羣生者君人之道也乃順

承天者坤元之義也上下交暢然後萬物協和庶類獲又

乃者漢氏失統六合震擾我太祖承運龍興宏濟八極是

用應天順民撫有區夏于時乃考因羣傑虎爭九服不靜

乘間阻遠保據庸蜀遂使西隅殊封方外壅隔自是以來

干戈不戢元元之民不得保安其性幾將五紀朕永惟祖

考遺志思在綏輯四海率土同軌故爰整六師耀威梁益

公恢崇德度浚秉大正不憚屈身委質以愛民全國為貴

降心回慮應機豹變履信思順以享無疆之休朕嘉與君

公長享顯祿用考咨前訓開國胙土率遵舊典錫茲元牡

苴以白茅永為魏藩輔往欽哉公其祗服朕命克廣德心

以終乃顯烈食邑萬戶賜絹萬匹奴婢百人他物稱是子

孫為三都尉封侯者五十餘人尚書令樊建侍中張紹光

祿大夫譙周祕書令郤正殿中督張通竝封列侯晉泰始七年帝崩于維陽諡曰思公子恂嗣原注陳壽評曰後主君惑闇豎則為昏暗之后傳曰素絲無常唯所染之信矣哉禮國君繼體踰年改元而章武之三年則革稱建興考之古義體理為違又國不置史注記無官是以行事多遺災異靡書諸葛亮雖達于為政凡此之類猶有未周焉然經載十二年名不易軍旅屢興赦不妄下不亦卓乎自亮沒後茲制漸虧優劣著矣裴松之曰赦不妄下誠為可稱至于言年名不易猶所未達按建武建安之號皆久而不改未聞前史以為美談經載十二蓋何足云豈別有他意求之未至乎亮沒後延熙之號數盈二十茲制漸虧事又不然也謹案史通曰陳氏三國志劉後主傳曰蜀無史職故災祥靡聞案黃氣見于秭歸羣鳥墮于江水成都言有景星出益州言無宰相氣若史官不置此事從何而書又曰案蜀志稱王崇補東觀許蓋掌禮儀又郤正為祕書郎廣求益部書籍斯則典校無闕屬辭有所矣而陳壽評云蜀不置史官得非厚誣諸葛乎

議曰太甲克聽伊尹成王終信周公故皆為賢君末帝奉

昭烈之命令諸葛亮南征北伐卒信討賊之義亮沒而繼用蔣費終亮遺意維持宗社四十餘年亦太甲成王之次也當永安屬續之際有嗣子不才君當自取之言其時豈無宵人哉苟有疑焉亮能安乎其未踰年而改元國君即位樞前必踰年改元緣始終之義一年不二君緣臣子之心不忍有變于中年也末帝于章武三年夏五月即位即改元為建興非制也陳氏譏之是也亮薨而即大赦至于終惑闇闇墮隕先志不死社稷甘為降虜為可責已國不置史注記無官行事多遺災異靡書方漢賊不兩立王業不偏安以誅仇討逆為先務日不暇給未可求備也

贊曰季末中庸受命彌留克聽弗違濟師誅仇終惑孽寺

遂傾大寶組頸軍門竟同軹道原注史記沛公至灞上秦王子嬰繫頸以組白馬素

車奉天子璽樓桑枯死杜鵑不來原注成都記杜宇亦曰杜主自天而降稱望帝

降軹道旁好稼穡教人務農時荆州鼈靈死其尸泝流而上至汶山下復生見望帝望帝因以為相號曰開明會巫山壅江又遭洪水開明為鑿通流有大功望帝因以其位禪焉後望帝死其魂化為鳥名曰杜鵑亦曰子規博物志杜鵑生子寄之他巢百惠陵草淡鬱有遺哀劔門猶險巴寶勿歎原注鳥為飼之

晉書巴賔人李特隨流人將入蜀至劔閣箕踞歎息顧盼險阻曰劉禪有如此之地而面縛于人豈非庸才邪

數當窮天啄有漢

續後漢書卷第三

續後漢書卷第四上

元 郝 經 譔

列傳第一上

后妃 謹案帝紀及家人傳皆有義例后妃諸王傳當亦有之今無疑闕

昭烈甘皇后 穆皇后 兄懿 懿族弟班

末帝敬哀張皇后 張皇后

昭烈甘皇后沛人也昭烈領豫州住小沛納以為妾昭烈數喪嫡室常攝內事生末帝于荆州昭烈窘于當陽長阪棄后及末帝賴趙雲保護得免后崩葬于南郡章武二年追謚皇思夫人改葬于蜀未至而昭烈崩丞相亮上言皇思夫人履行修仁淑慎其身大行皇帝昔在上將嬪配作

合載育聖躬大命不融大行皇帝篤義垂恩念皇思夫人
 神柩在遠飄颻特遣使者奉迎會大行皇帝崩今皇思夫
 人神柩已到又梓宮在道園陵將成安厝有期臣輒與太
 常賴恭等議禮記曰立愛自親始教民孝也立敬自長始
 教民順也不忘其親所由生也春秋之義母以子貴原注
公羊
 傳桓幼而貴隱長而卑原注昔高皇帝追尊太上昭靈夫人為
 昭靈皇后原注漢書高祖五年追尊先媼曰昭靈后孝和皇
 帝改葬其母梁貴人尊號曰恭懷皇后原注後漢書和帝
永元九年追尊皇
 妣梁貴人為皇太后冬十月乙酉改葬恭懷梁皇后于西陵
 孝愍皇帝亦改葬其母王
 夫人尊號曰靈懷皇后原注後漢書獻帝興平元年追尊
諡皇妣為靈懷皇后改葬于文昭
 陵今皇思夫人宜有尊號以慰寒泉之思原注詩爰有寒
泉在浚之下有

子七人母氏勞苦輒與恭等按諡法宜曰昭烈皇后詩曰穀則異
 室死則同穴故昭烈皇后宜與大行皇帝合葬臣請太尉
 告宗廟布露天下具禮儀別奏制曰可

穆皇后陳留人也兄吳懿少孤懿父與劉焉有舊是以舉
 家隨焉入蜀焉有異志而聞善相者相后當大貴焉時將
 子瑁自隨遂為瑁納后瑁死后寡居昭烈既定益州而孫
 夫人還吳原注漢晉春秋云先主入益州吳遣迎孫夫人
夫人欲將太子歸吳諸葛亮使趙雲勒兵斷江
 乃得止羣下勸昭烈聘后昭烈疑與瑁同族法正進曰論
 其親疏何與晉文之子子圉乎于是納后為夫人原注左
氏傳晉

太子圉為質于秦秦歸河東而妻之太子圉逃歸惠公卒
 圉立是為懷公晉文公至秦秦伯納女五人懷嬴與焉習
 鑿齒曰夫婚姻人倫之始王化之本匹夫猶不可以無禮
 而况人君乎晉文廢禮行權以濟其業故子犯曰有求于
 賣後漢書卷四上

續後漢書卷四十一
人必先從之將奪其國何有于妻非無故而違禮教者也
今先主無權事之偏而引前失以為譬非導其君以堯舜
之道者先主
從之過矣
建安二十四年立為漢中王后章武元年夏

五月策曰朕承天命奉至尊臨萬國今以后為皇后遣使
持節丞相亮授璽綬承宗廟母天下皇后其敬之哉建興
元年五月末帝即位尊后為皇太后稱長樂宮延熙八年
后崩合葬惠陵建興八年進封懿高陽鄉侯遷左將軍十
二年丞相亮薨以懿督漢中車騎將軍假節領雍州刺史
進封濟陽侯弟班末帝世稍遷至驃騎將軍假節封綿竹
侯謹案建興八年以下大典另為一條據文併歸本傳之末後仿此
末帝敬哀張皇后車騎將軍張飛長女也章武元年納為
太子妃建興元年立為皇后十五年崩葬南陵

張皇后敬哀皇后之妹也建興十五年入為貴人延熙元
年春正月策曰朕統承大業君臨天下奉郊廟社稷今以
貴人為皇后使行丞相事左將軍向朗持節授璽綬勉修
中饋恪肅禋祀皇后其敬之哉炎興二年隨末帝遷雒陽

原注漢晉春秋云魏以蜀宮人賜諸將之無妻者李昭儀曰我不能二三屈辱乃自殺

議曰后妃之德周室為盛太姜太任太姒至于邑姜

原注太姜

太王姬太任王季姬太姒文王姬邑姜武王姬也

世嗣徽音自家刑國以至于天

下雖堯之明峻德親九族舜之烝烝又觀厥刑于二女無
以尚已故文王演易重巽于離風自火出明內齊外名之
曰家人其繇曰利女貞孔子為之傳曰女正位乎內男正
位乎外男女正天地之大義也父父子子夫夫婦婦正家

而天下定及其刪詩以關雎詠歌后妃推為正風之始蓋

夫婦人倫之本風化之原聖王所以修身而平天下者在

乎是矣周室衰微家道日乖至秦而母后始與政外戚始

當國原注史記秦昭王立王少宣太后自及漢呂霍上官

許趙丁傅王氏原注呂氏上官氏事見昭烈紀漢書孝

陰殺許后立其女為皇后光薨顯與諸壻昆弟謀反伏誅

孝宣許皇后昌邑許廣漢之女也宣帝在民間時廣漢以

女妻之生元帝及即位立為皇后為霍顯藥殺之其後封

廣漢為平恩侯許氏侯者凡三人孝成許皇后大司馬車

騎將軍平恩侯嘉女也孝成趙皇后與女弟俱為婕妤既

立為皇后而弟絕幸為昭儀帝未有繼嗣凡後宮有子輒

殺之平帝立王莽廢后為庶人遂自殺孝元傅昭儀哀帝

祖母也哀帝即位尊為皇太后凡傅氏侯者六人平帝

立王莽發其冢更以木棺代去珠玉衣掘平其冢周棘其

處定陶丁姬哀帝母也易祖師丁將軍之元孫哀帝即位

尊為帝太后兄明為大司馬驃騎將軍輔政侯者凡二人

王莽亦發其冢更以木棺孝元王皇后凡十侯五大司馬

至莽卒至竇鄧閻梁原注後漢書章德竇皇后大司徒融

和帝母梁貴人和帝即位尊為皇太后臨朝稱制和熹鄧

皇后太傅禹之孫也和帝崩立殤帝太子保母李氏廢皇

臨朝在位二十年安思閻皇后殺皇太子保母李氏廢皇

太子為濟陰王安帝崩太后臨朝以兄顯為車騎將軍定

策立北鄉侯懿北鄉侯薨顯又徵濟北河間王子而中黃

門孫程等立順帝誅顯廢太后程等皆封侯號十九侯順

烈梁皇后帝崩立冲帝太后臨朝冲帝崩復立質帝太后

猶臨朝后兄大將軍冀弒質帝立桓帝而誅李固宦官多

所封寵而專朝易主竊命移國閨闈內証姻婭外潰牀第

天下大亂

之間總為牆茨遂無正家之道無復唐虞三代風化之美

矣其內官之制依仿秦舊帝母曰皇太后祖母曰太皇太

后嫡曰皇后妾皆稱夫人又有美人良人八子七子長使

少使倭仔姪娥俗華充依昭儀等號以備內官各有品秩

焉原注漢書昭儀位視丞相爵比諸侯王倭仔視上卿比

列侯姪娥視中二千石比關內侯俗華視真二千石比

賣後漢書卷四十一

宜稼堂叢書

大上造美人視二千石比少上造八子視千石比中更充
依視千石比左更七子視八百石比右庶長良人視八百
石比左庶長長使視六百石比五大夫少使視四百石比
公乘五官視三百石順常視二百石無涓共和娛靈保林
良使夜者皆視百石上家人子中家人子
視有秩斗食云五官以下葬司馬門外
孝哀入繼大統

傅太后稱尊號于是有恭皇太后恭皇后帝太太后皇太

太后等皆亂制也原注漢書哀帝即位高昌侯董宏希指

宏懷邪誤朝不道上初即位謙讓從師丹言止後乃白令

王太后下詔尊定陶恭王為恭皇哀帝因是日春秋母以

子貴尊傅太后為恭皇太后丁姬為恭皇后各置左右詹

事食邑如長信宮中宮歲餘遂下詔曰漢家之制推親親

以顯尊尊定陶恭皇之號不宜復稱定陶其尊恭皇太后

為帝太后丁后為帝太后後又更號帝太太后為皇太

太后稱永信宮帝太后稱中安宮而成帝母太皇太后本

稱長信宮成帝趙后為皇太后竝四太后各置少府太僕

光武中興稱號惟皇后貴人其後置美人宮人采女等而

無爵秩昭烈志期恢復不幸而與操遇用武無所奔走狼

狽屢棄妻子晚末得蜀戰爭方始祇立一后內職不備亦

可以觀其志烈也甘后備嘗險阻終享大號宜哉二張后

皆車騎將軍飛之女不忘佐命之義締親勳閔又可見末

帝之賢也羣下勸昭烈納穆后帝以同族為疑法正乃勉

以辰嬴終玷大德惜哉

贊曰帝皇受命代資內德娠聖承天自家刑國不有淑徽

曷正壺範兩君四后道隆先漢

續後漢書卷第四上

續後漢書卷第四下

列傳第一下

昭烈二王

魯王永 梁王理

末帝太子六王

太子璿 弟瑤琮瓚
諶恂虔

魯王永字公壽昭烈子末帝庶弟也章武元年六月使司徒靖立永為魯王策曰小子永受茲青社朕承天序繼統大業遵修稽古建爾國家封於東土奄有龜蒙世為藩輔嗚呼恭朕之詔惟彼魯邦一變適道治化存焉人之好德

世茲懿美王其秉心率禮綏爾士民是饗是宜其戒之哉
建興八年改封甘陵王初永憎宦人黃皓皓既信任用事
譖搆永於末帝稍疏外永至不得朝見者十餘年炎興二
年東遷雒陽拜奉車都尉封鄉侯出章元平六年
梁王理字奉孝亦末帝庶弟也與永異母章武元年六月
使司徒靖立理爲梁王策曰小子理朕統承漢序祇順天
命遵修典秩建爾於東爲漢藩輔惟彼梁土畿甸之邦民
狎教化易導以禮往悉乃心懷保黎庶以永爾國王其敬
之哉建興八年改封安平王延熙七年薨諡曰悼王子哀
王允嗣十九年薨子殤王承嗣二十年薨景耀四年詔曰
安平王先帝所命三世早夭國世頽絕朕用傷悼其以武
邑侯輯襲王位輯理子也炎興二年東遷雒陽拜奉車都
尉封鄉侯

謹案目錄此下有末帝太子璿傳今闕

安定王瑤河西王琮新平王瓚北地王諶新興王恂上黨
王虔皆太子璿之弟也琮以景耀五年薨漢亾諶自殺見
死國傳瑤等五王從末帝遷雒陽晉永嘉之亂祚允絕滅
惟魯王永之孫元奔蜀李雄封爲安樂公以爲末帝嗣桓
溫平李勢元入于晉不知其所終原注陳志自太子璿外
見瑤琮瓚諶恂虔六人
孫盛蜀世譜亦六人有璿而無虔未知孰是孫
盛曰永和三年討李勢盛參戎行見元於成都
議曰二帝無曹氏之寡恩孫氏之內亂而祚允單寡生於
衰末卒無有成寢微寢滅而璿傷死於亂嗚呼天不祚漢

乃至此極乎

贊曰六孽分封

原注漢書高帝八男呂后生孝惠帝薄姬生孝文帝齊悼惠王肥趙隱王如意淮南

厲王長趙幽王友趙共王恢燕靈王建六王皆庶孽也

河山帶礪

原注漢書封爵之誓曰使黃河如帶

泰山若礪國以永存爰及苗裔

磐石之宗犬牙相制慶自代來本支百世

原注文帝生景帝自孝武至光武昭烈皆景帝子孫也

中山峩峩涿水湯湯派衍祥

啟復一高光三起三滅

原注謂高祖至平帝光武至獻帝昭烈至末帝也

二帝七

王緝熙漢道於戲不忘

續後漢書卷第四下

東漢書卷四下

續後漢書卷第五

元 郝 經 譔

守列傳第二

宗室諸劉

義例曰寵故諸侯王自焉以降皆漢室之胄為牧伯而不終者也陳壽以劉虞為魏諸僭虞以死拒

山東之議而為公孫瓚所害何事於魏哉又以焉璋為蜀二牧與先主共為蜀書皆私意也焉璋亦

漢賊耳豈得並與復漢室之帝乎繇表漢之牧伯繇為孫策并滅表子琮降操則自漢臣也而以繇

為吳之僭偽表為魏之僭偽皆非也故皆以為宗室而繫之漢云若劉曄劉放雖亦帝室之胄乃佐

操不父子篡漢而終臣於魏故以為魏臣絕不為親也

陳王寵 劉焉 董扶 劉虞 劉繇 子基

劉表 子琦 琮 蒯越 韓嵩 劉先 傳異 王雋

陳王寵明帝子敬王羨之後也羨始封廣平徙封西平帝崩遺詔封陳食淮陽郡薨子思王鈞嗣薨子懷王竦嗣無子立敬王子安壽亭侯崇是為頃王薨子孝王承嗣薨子寵嗣熹平二年國相師遷追奏前相魏悛與寵共祭天神希幸非冀罪至不道有司奏遣使者案驗是時新誅勃海王悝靈帝不忍復加法詔檻車傳送悛遷詣北寺詔獄使中常侍王酺原注華嶠漢書及宦者傳諸本並作甫此云酺未知孰是酺音蒲與尚書令侍御史雜考悛辭與王共祭黃帝老君求長生福而已無它冀幸酺等奏悛職在匡正而所為不端遷誣告其王罔以不道皆誅死有詔赦寵寵善弩射十發十中中皆同處

原注華嶠漢書寵射其祕法以天覆地載參連為奇又有三微三小三微為經三小為緯經緯相將為萬勝之方然

要在機牙中平中黃巾賊起郡縣皆棄城走寵有強弩數千張出軍都亭治兵自守國人畏之不敢離叛國相會稽駱俊素有威恩時天下飢荒陳獨完富鄰郡人多歸之俊傾廩振贍皆得全活有眾十餘萬獻帝初義兵起寵率眾屯陽夏自稱輔漢大將軍後袁術求糧於陳而俊拒之術忿恚遣客詐殺俊及寵陳由是破敗原注謝承漢書俊字孝遠烏傷人察孝廉補尚書侍郎擢拜陳國相人有產子厚致米肉達府主意生男女者以駱為名袁術使部曲將張闔陽私行到陳之俊所俊往從飲酒因詐殺俊一郡吏人哀號如喪父母是時諸國無復租祿而數見虜奪并日而食轉死溝壑者甚眾夫人姬妾多為丹陵兵烏桓所略及曹丕篡代自封國已除滅者其餘光武帝子趙孝王良後博陵王珪原注謹案後漢書趙孝王良光武叔父此冠以光武帝子與東海恭王強等並列疑誤

東海恭王強後汶陽侯羨沛獻王輔後恭王曜子契東平
 憲王蒼後頃王端子凱任城孝王尙後新昌侯子佗明帝
 子彭城靖王恭後孝王和孫祗梁節王暢後敬王元子彌
 章帝子河間孝王開後濟南王康子某原注後漢書稱開
 不應與祖同諱故
闕疑曰某云謹按後漢書濟南王康子贊贊為
 黃巾賊所害子開嗣此以開為濟南王康子疑誤皆降封
 崇德侯頗食租賦而重禁錮不得遷徙仕宦晉泰始初始
 除漢宗室禁制

謹案目錄此下有劉焉劉虞傳今闕又陳王寵劉
 焉當有議今亦闕

劉繇字正禮東萊牟平人也齊孝王少子封牟平侯子孫
 家焉原注史記年表孝王齊
 悼惠王肥子將閭也繇祖父本博學號稱通儒舉

賢良方正為般長卒父輿一名方有雋才終山陽太守伯
 父寵以經明行修舉孝廉察四行累遷會稽太守有惠政
 徵為將作大匠山陰父老六七十人相率送寵人齋百錢去
 縣數十里自若耶山谷間遮寵曰自明府下車狗不夜吠
 吏稀到門年老遭值聖化今聞當去故戮力來送寵謝之
 選受一大錢故號一錢太守人居九列四登三事以太尉
 辭位卒於家繇年十九從父避為賊所劫質繇篡取以歸
 由是顯名舉孝廉為郎中除下邑長時郡守以貴戚託之
 遂棄官去州辟部濟南濟南相中常侍子貪穢不法謹案
 陳志
作貪穢不循通
 志循下有法字繇奏免之平原陶丘洪薦繇欲令舉茂才
 刺史曰前年舉公山奈何復舉正禮乎洪曰若明使君用

公山於前擢正禮於後所謂御二龍於長塗騁騏驎於千里不亦可乎會辟司空掾除侍御史不就避亂淮浦詔書以爲揚州刺史時袁術在淮南繇畏憚不敢之州欲南渡江吳景孫賁迎置曲阿術圖僭逆攻沒諸郡縣繇遣樊能張英屯江邊拒之以景賁術所授用迫逐使去於是術自置揚州刺史與景賁并力攻英能等歲餘不下詔加繇爲牧振武將軍眾數萬人謹案今志作眾萬餘人宋本及通志皆作眾數萬人與此合孫策東渡破英能等繇使太史慈拒策慈爲策所擒繇悉眾與策戰大敗策遂入曲阿盡虜繇妻子部曲繇走丹徒將奔會稽許子將曰會稽富實策之所貪且僻在海隅不可往也不如豫章北連豫壤西接荊州若收合吏民遣使者

貢獻與曹兗州相聞雖袁公路爲間其人豺狼不能久也

足下受王命且帝室之胄謹案志注無此五字孟德景升必相救濟

繇從之遂沂江南保豫章駐彭澤使原注杜力反融先往助

豫章太守朱皓討袁術所用謹案志注劉表所用太守諸葛元許

子將謂繇曰竿融出軍不顧名義者也謹案志注作不顧命名義者也冊府

無命字與此合朱文明善推誠以信人宜使密防之融到果詐殺

皓代領郡事繇進討融爲所破更復招合屬縣攻破融融

敗走入山爲民所殺繇尋病卒時年四十二後孫策西伐

江夏還過豫章收載繇喪善遇其家王朗遺策書曰劉正

禮昔初臨州未能自達實賴尊門爲之先後用能濟江成

治有所處定踐境之禮感分結意情在終始後以袁氏之

嫌稍更乖刺更以同盟還爲讐敵原其本心實非所樂康
寧之後常願淪平更成復踐宿好一爾分離款意不昭奄
然殂隕可爲傷恨知敦以厲薄德以報怨收骨育孤哀亾
愍存捐既往之猜保六尺之託誠淡恩重分美名厚實也
昔魯人雖有齊怨不廢喪紀春秋善之謂之得禮誠良史
之所宜籍鄉校之所歎聞正禮元子致有志操想必有以
殊異威盛刑行施之以恩不亦優哉繇長子基字敬輿年
十四居繇喪盡禮故吏餽餉皆無所受基遭多難潛處味
道與羣弟居常夜臥早起妻妾稀見其面諸弟敬憚事之
猶父不妄交游門無雜賓孫權愛敬之權爲驃騎將軍辟
東曹掾拜輔義校尉建忠中郎將權爲吳王遷大農權嘗

宴飲騎都尉虞翻醉酒犯忤權欲殺之威怒甚盛基犯顏
諫爭翻以得免方大暑權宴飲船樓上雷雨大作權以蓋
自覆又命覆基餘不覆也其見待如此徙郎中令權稱尊
號改光祿勳分平尚書事年四十九卒後權爲子霸納基
女賜第一區四時寵賜與全張比基二弟鑠尙皆騎都尉
繇兄岱字公山歷位侍中董卓以爲兗州刺史與袁紹同
起兵討卓青州黃巾大入州界岱欲擊之濟北相鮑信諫
不聽與戰果爲所殺

議曰漢祚剝裂天枝蠹敝遺胄遐孤耽沈耽原注骸原注
莫能自振劉虞獨能飭身厲行忠厚恭儉化行幽朔夙夜
憂勤志存王室致使董卓畏服羣雄見推卻尊號而不受

奉章表以自通振振哉漢家賢宗子衛武公東平憲王之

儔也原注國語武公年九十五矣猶箴戒於國恭恪于朝

作抑詩自儆至沒身謂之歡聖後漢書東平憲王

蒼光武之子也好經書雅有志思顯宗甚愛重之手詔國中傳曰日者問東平王處家何等最樂王言為善最樂其

言甚大副不幸而為公孫瓚所襲惜哉范蔚宗曰若虞瓚

是要腹矣無間糾人完聚稽保燕薊之饒繕兵昭武以臨羣雄之隙

舍諸天運徵乎人文則古之休烈何遠之存嗚呼天不佑

漢盜憎主人其能無間乎又弱一个焉劉氏危矣劉繇當

治平之世足為賢方伯素無禦亂應變之才惡能拒袁術

之僭嬰孫策之鋒哉折敗以死於是宗室諸劉盡矣本根

無所庇蔭天子獨守虛器操遂弑后酖子除封國重禁錮

使無噍類然後攘取乃不能殺昭烈而漢統歸之終自為

僭偽豈非天哉鮮于輔為虞復讐迎和附紹從臾義烈蹙

瓚於死盡臣子之義矣

劉表字景升山陽高平人魯恭王餘之後也身長八尺餘

姿貌溫偉年十七受學於同郡王暢暢為南陽太守過於

儉嗇表進諫曰奢不僭上儉不逼下蓋中庸之道是故蘧

伯玉恥獨為君子府君若不師孔聖之明訓而慕夷齊之

末操無乃皎然自遺於世暢荅曰以約失之者鮮且吾以

矯世也由是知名與同郡張隱薛郁王訪宣靖公緒恭劉

祗田林為友俱被訛議號為八顧又與汝南陳翔范滂魯

國孔昱渤海苑康山陽檀敷張儉南陽岑暉為八及原注

書及者言其能導人追宗者也三君八俊錄陳翔字子麟汝南邵陵人官至御史中丞海內貴珍陳子麟范滂字

孟博汝南細陽人為太尉掾海內譽諤范孟博孔昱字世元終於洛陽令海內才珍孔世元苑康字仲真渤海重合人官至泰山太守海內通士檀彬苑仲真檀敷字文友山陽瑕丘人為蒙令海內忠烈張元節岑暉字公孝南陽棘陽人為太尉掾海內珍好岑公孝其稱表海內所稱劉景升詔書捕案黨人表已走得免黨禁解辟大將軍何進掾為北

軍中候初平元年長沙太守孫堅殺荊州刺史王叡原注王氏

譜叡字通耀晉太保祥之伯父也詔書以表為荊州刺史時江南宗賊大

盛原注宗黨共為賊又袁術屯魯陽盡有南陽之眾吳人蘇代領

長沙太守貝羽為華容長各阻兵為亂表乃單馬入宜城

請南郡名士蒯良荆越襄陽蔡瑁與共謀畫表謂越曰宗

賊甚盛而眾不附若袁術因之禍必至矣吾欲徵兵恐不

能集其策安出良曰眾不附者仁不足也附而不治者義

不足也苟仁義之道行百姓歸之如水之趣下何患所至

之不從而問兵興與策乎顧問越越曰治平者先仁義治

亂者先權謀兵不在多在得人也袁術勇而無斷蘇代貝

羽匹夫之勇不足慮也宗賊率多貪暴為下所患越有所

素養者使示之以利必持眾來使君誅其無道謹案陳志無使字後

漢書有使字與此合施其才用威德既行襁負而至矣兵集眾附南

據江陵北守襄陽荊州八郡原注漢官儀荊州管長沙零陵桂陽南陽江陵武陵南郡

章可傳檄而定公路雖至無能為也表曰子柔之言雍季

之論也異度之計舅犯之謀也原注呂氏春秋時晉文公將與楚人戰于城濮召舅

犯而問楚眾我寡奈何而可舅犯對曰臣聞繁禮之君不

足于文繁戰之君不足于詐君亦詐之而已文公以舅犯言告雍季雍季曰竭澤而漁豈不得魚而明年無魚焚藪而田豈不得獸而明年無獸詐偽之道雖今偷可後將無

復非長術也文公用舅犯之言而敗楚人于城濮反而為賞雍季在上左右諫曰城濮之功舅犯之謀也君用其言而後其身或者不可乎文公曰雍季之言百代之利也舅犯之言一時之務也焉有以一時之利先百代之利乎

遂使越遣人誘宗賊帥至者十五人謹案陳志作五十五人後漢書作十五人

此從後書皆斬之而襲取其眾惟江夏賊張虎陳生擁兵據襄陽城表使越與龐季往譬之乃降江南悉平諸守令聞表

威名多解印綬去表遂理兵襄陽以觀時變袁術與其從

兄紹有隙而紹與表相結故術與孫堅合從襲表表敗堅

遂圍襄陽會表將黃祖救至堅為流矢所中死餘眾退走

及李傕等入長安表遣使奉貢傕欲連表為援乃以表為

鎮南將軍荊州牧封成武侯假節建安元年天子將還雒

陽表遣兵助修宮室軍資委輸千里不絕及遷都許表遣

使貢獻復北結袁紹治中鄧羲諫表不聽荅羲曰內不失

職貢外不背盟主天下之達義也治中獨何怪乎羲乃辭

疾而退終表之世不仕驃騎將軍張濟自關中走南陽因

攻穰城中飛矢死荊州官屬皆賀表曰濟以窮來主人無

禮至於交鋒此非牧意牧受弔不受賀也使人納其眾眾

聞之喜遂皆服從三年長沙太守南陽張羨性屈彊表不

禮焉郡人桓階說羨舉長沙零陵桂陽三郡叛表附曹操

表遣兵攻之連年不下羨病死長沙復立其子懌表攻破

懌盡平三郡原注英雄記張羨南陽人先作零陵桂陽守甚得江湖間心然性屈強不順表薄其為人

不甚禮也羨因於是開土益廣南接五嶺原注裴氏廣州是懷恨遂叛表

賀桂陽揭陽是謂五嶺鄧德明南康記大庾一也桂陽甲騎二也九真都龐三也臨賀萌渚四也始安越城五也

北據漢川地數千里帶甲十餘萬初荊州人好亂加四方駭震寇賊相扇處處糜沸表招誘有方威懷兼洽其姦猾宿賊更爲效用萬里肅清咸悅而服之關西兗豫學士歸者蓋千數表安慰賑贍皆得資全遂起立學校博求儒術綦母闔宋忠等譔立五經章句謂之後定愛民養士從容自保久之見漢祚陵夷遂不共職貢郊祀天地居處服用僭擬乘輿焉及曹操與袁紹相持於官渡紹遣人求助表許之不至亦不援曹操且欲觀天下之變從事中郎南陽韓嵩別駕劉先說表曰今豪傑竝爭兩雄相持天下之重在於將軍若欲有爲起乘其敝可也如其不然固將擇所宜從豈可擁甲十萬坐觀成敗求援而不能助見賢而不

能歸此兩怨必集於將軍恐不得中立矣曹操善用兵且賢俊多歸之其勢必舉袁紹然後移兵以向江漢恐將軍不能禦也今之勝計莫若舉荊州以附曹操操必重德將軍長享福祚垂之後嗣此萬全之策也蒯越亦勸之表狐疑不斷乃遣嵩詣操觀望虛實謂嵩曰今天下未知所定曹操擁天子都許君爲我觀其釁嵩對曰聖達節次守節嵩守節者也今策名委質惟將軍所命雖赴湯蹈火死無辭也以嵩觀之曹公之明必得志於天下將軍若欲歸之使嵩可也如其猶豫嵩至京師天子假嵩一職不獲辭命則成天子之臣將軍之故吏爾在君爲君不復爲將軍死也惟加重思表以爲憚使強之至許果拜嵩侍中零陵太

守及還盛稱曹操威德勸遣子入侍表大怒以為懷貳陳兵詬嵩將斬之嵩不為動容徐陳臨行之言表妻蔡氏諫曰韓嵩楚國之望也且其言直誅之無辭表猶怒乃考殺從行者知無他意但囚嵩而已表貌儒雅而中疑忌皆此類也六年昭烈去袁紹來荊州表厚相待結而不能用于十一年冬曹操征烏桓昭烈說表襲許表不從原注漢晉春秋曰太祖之始征桡城劉備說表使襲許表不從及太祖還謂備曰不用君言故失此大會也備曰今天下分裂日尋干戈事會之來豈有終極乎若能應之於後者則此未足為恨也十三年曹操自將征表未至八月表疽發背卒表在荊州幾二十年家無餘積二子琦琮表初以琦貌類己甚愛之後為琮娶其後妻蔡氏之姪蔡氏遂愛琮而惡琦毀譽之言日聞於表又妻弟蔡瑁及

外甥張允竝得幸於表而睦於琮琦不自寧嘗與瑯琊諸葛亮謀自安之術亮初不對後將亮游觀花園飲宴因共升高樓令去梯謂亮曰今日上不至天下不至地言出子口而入吾耳可以言未亮曰君不見申生在內而危重耳

居外而安乎

原注左氏傳晉獻公嬖驪姬使太子申生居曲沃夷吾居屈重耳居蒲及驪姬譖殺申生

重耳出奔狄在外十九年而得晉國是為文公琦意感悟陰規出計會表將江夏

太守黃祖為孫權所殺琦遂求代其任及表病甚琦歸省疾琦素慈孝允等恐其見表而父子相感更有託後意乃謂琦曰將軍命君撫臨江夏其任甚重今釋眾擅來必見譴怒傷親之歡重增其疾非孝敬之道也遂過於戶外使不得見琦流涕而去眾聞而傷焉遂以琮嗣琮以侯印授

琦琦怒投之地將因奔喪作難會曹操軍至新野琦走江
 南蒯越及東曹掾傅巽等說琮迎操降琮曰今與諸君據
 全楚之地守先君之業以觀天下何為不可乎巽對曰逆
 順有大體強弱有定勢以人臣而拒人主逆也以新造之
 楚而禦國家其勢弗當也以劉備而敵曹操又弗當也三
 者皆短欲以抗王兵之鋒必亾之道也將軍自料何與劉
 備琮曰吾不若也巽曰誠以劉備不足禦曹操乎則雖保
 楚地不足以自存也誠以劉備足以禦曹操乎則備不為
 將軍下也願將軍勿疑原注案獻帝建安十三年八月蒯
云韓嵩亦說琮降嵩操軍至襄陽琮舉州降昭烈走夏口
時被囚必不預謀琮將王威說琮曰曹操既得將軍降劉備已走必懈弛無

備若給威兵數千徼之於險出其不意操可禽也禽操則
 威震四海坐而虎步中夏雖廣可傳檄而定非徒收一勝
 之功保今日而已此難遇之機不可失也琮不聽操以琮
 為青州刺史封列侯原注魏武故事載令曰楚有江漢山
其故地劉鎮南久用其民矣身沒之後諸子鼎峙雖終難
全猶可引日青州刺史琮心高志潔智淡慮廣輕榮重義
薄利厚德茂萬里之業忽三軍之眾篤中正之體敦令名
之譽上耀先君之遺塵下圖不朽之餘祚鮑永之棄并州
竇融之離五郡未足以喻也雖封列侯一州之位猶恨此
寵未副其人而比有賤求還州監史雖尊秩祿未優今聽
所執表琮為諫議大夫參同軍事後漢書蒯越等侯者
十五人乃釋嵩之囚以其名重甚加禮待使條品州人優
劣皆擢而用之以嵩為大鴻臚以交友禮待之蒯越光祿
勳劉先尚書令初表之結袁紹也治中從事鄧羲諫不聽
義以疾退終表世不仕操操後敗於赤壁昭烈表琦為荆
 州刺史明年卒建安初荆州童謠曰八九年始欲衰至十

三年無子遺自中興以來荆州獨全及表爲牧民又豐樂
至建安八年九年表妻死諸將亦皆淪謝十三年表卒因
喪破滅皆如其數比表卒華容有女子忽啼呼云荆州將
有大喪言語過差縣以爲妖言繫獄月餘忽於獄中哭曰
劉荆州今日死華容去州數百里卽遣馬吏驗視而表果
死縣乃出之續又歌吟曰不意李立爲貴人無幾操平荆
州以涿郡李立爲荆州刺史蒯越蒯通之後也淡中足智
儀狀魁傑大將軍何進聞其名辟爲東曹掾越勸進誅諸
閹官進猶預不決越知進必敗求出爲汝陽令佐劉表平
定境內詔拜章陵太守封樊亭侯曹操入荆州表爲光祿
勳與荀彧書曰不喜得荆州喜得蒯異度耳建安十九年

臨終與操書託以門戶操書報曰死者反生生者不愧孤
少所舉行之多矣魂而有靈亦將聞孤此言也韓嵩字德
高義陽人少好學貧不改操知世將亂不應三公辟命與
同好數人隱居於鄴西山中黃巾起嵩避難南方劉表逼
爲別駕轉從事中郎表郊祀天地嵩諫不從漸見違忤及
自許還囚之遭操入荆州釋嵩囚待以交友之禮使條品
州人優劣皆擢用之拜大鴻臚卒劉先字始宗博學強記
尤好黃老言明習漢家典故爲劉表別駕奉章詣許見曹
操時賓客竝會操問先劉牧如何郊祀天地先對曰劉牧
託漢室肺腑處牧伯之位而遭王道未平羣凶塞路抱玉
帛而無所聘頰修章表而不獲達御是以郊天祀地昭告

赤誠操曰羣凶爲誰先曰舉目皆是操曰今孤有熊羆之士步騎十萬奉辭伐罪誰敢不服先曰漢道陵遲羣生憔悴旣無忠義之士翼戴天子緩寧海內使萬方歸德而阻兵安忍曰莫已若卽蚩尤智伯復見於今也操默然拜先武陵太守操入荊州以先爲漢尙書尋以爲魏國尙書令卒傅巽字公悌瓌偉博達有知人鑒辟公府拜尙書郎後客荊州以說劉琮之功賜爵關內侯曹丕時爲侍中太和中卒巽在荊州日龐統爲半英雄證裴潛終以清行顯統後輔昭烈見待次於諸葛亮潛位至尙書令竝有名德及在魏朝魏諷以才智聞巽謂之必反卒如其言巽弟子嘏別有傳王儁字子文汝南人也少爲范滂許章所識與南

陽岑暉善曹操爲布衣特愛儁儁亦稱操有治世之具及袁紹與弟術喪母歸葬汝南儁與操會之會者三萬餘人操密語儁曰天下將亂爲亂魁者必此二人也欲濟天下爲百姓請命不先誅此二子亂今作矣儁曰如卿之言濟天下者舍卿復誰相對而笑儁爲人外靜而內明不應州郡三府之命公車徵不至避地武陵歸儁者百餘家天子都許徵爲尙書又不就劉表見紹強陰與紹通儁謂表曰曹操天下之雄也必能興霸業繼桓文之功今乃釋近就遠如有一朝之急遙望河北之救不亦難乎表不從卒於武陵年六十四操入荊州自臨江迎喪改葬於江陵議曰表據荆楚襟帶江漢瞰臨許雒向從昭烈之言勤王

蹙操則漢未遽亡也亦優游自喜陰蓄異志乃謂劉焉在蜀如子夏之在西河曾不知己之題旌夏奠玉笋有甚於

焉其坐談西伯亦猶隗囂之在隴也原注左氏傳宋公享晉侯於楚丘請以桑

林舞師題以旌夏晉侯懼而退入於房去旌卒享而還杜預注曰桑林殷天子樂名旌夏大旌也玉笋郊禩玉爵也

後漢書隗囂矜己自飾常以為王昭烈託足無所表幾不西伯復作乃與諸將議自立為王

容琮琦之亂不取哭墓而去當陽長阪之急棄妻子而不

忍棄荊州之民嗚呼仁哉

贊曰焉殺漢使墮剝維城璋九庸聞遷奪猶輕驅除庸蜀

赫我王靈懿哉幽州乃心帝室奔命奉章隕身碎璧氣躔

箕尾天津尚赤原注幽州尾箕之次析木之津繇亦宗英才匪戡難乃啟

孫氏三辰肇判遂俾昭烈卒莫完漢表有全楚坐收天命

事會弗衷得死為幸

續後漢書卷第五

道光癸卯七月上旬桐鄉沈炳垣校讀於上海廡館



蘇翁為書卷餘正

如子夏之

其

其

其


其

其

其

其

其



事會無吏份既為幸

